


金史



本紀第六

金史六

元開府儀同三司上柱國前中書右丞相監脩國史

都總裁臣脫脫脩

世宗上

世宗光天興運文德武功聖明仁孝皇帝諱雍本諱烏祿

太祖孫睿宗子也母曰貞懿皇后李氏天輔七年癸卯歲

生于上京體貌竒偉美鬚髯長過其腹胷間有七子如比

斗形性仁孝沉靜明達善騎射國人推為第一每出獵者

老皆隨而觀之皇統間以宗室子例授光祿大夫封葛王

為兵部尚書天德初判會寧牧明年判大宗正事改中京

留守俄改燕京未幾爲濟南尹貞元初爲西京留守三年
改東京進封趙王正隆二年例降封鄭國公進封衛國三
年再任留守徙封曹國六年五月居貞懿皇后喪一日方
寢有紅光照室及黃龍見寢室上又嘗夜有大星流入留
守第中是歲東梁水漲溢暴至城下水與城等決女墻石
罅中流入城湍激如涌城中人惶駭上親登城舉酒酌之
水退海陵南伐天下騷動是時籍契丹部人丁壯爲兵部
人不願行以告使者使者燥合畏海陵不以告部人遂反
至是咸平府謀克括里攻陷韓州據咸平將犯東京八月
起復東京留守婆速路兵四百來會討括里復得城中子

弟願爲兵者數百人帝舅興中少尹李石以病免家居遼
陽戊午發東京以石主留務賊覘者聞鞀鼓聲震天見旌
旗蔽野傳言國公兵十萬且至賊衆至瀋州遯去會烏延
查刺等敗賊兵還至常安縣海陵使婆速路總管完顏謀
衍來討賊以兵屬之九月至東京副留守高存福其女在
海陵後宮海陵使存福伺起居適以造兵器餘材造甲數
十存福宣言留守何爲造甲密使人以白海陵遂與推官
李彥隆託爲擊毬謀不利存福家人以其謀來告平定知
軍李蒲速越亦言其事海陵嘗聞上有疾即使近習來觀
動靜至是又使謀良虎圖淮北諸王上知之心常隱憂及

討括里還至清河遇故吏六斤乘傳自南來具言海陵殺其母殺兄子檀奴阿里白及樞密使僕散忽土等又曰且遣人來害宗室兄弟矣上聞之益懼及聞存福圖已事且有迹李石勸上早圖之於是以議備賊事召官屬會清安寺彥隆先到存福累召始來並於座上執之是月復有雲來自西黃龍見雲中十月辛丑南征萬戶完顏福壽高忠建盧萬家奴等自山東率所領兵二萬完顏謀衍自長安率兵五千皆來附謀衍即以臣禮上謁乙巳諸軍入城共擊殺存福等是夜諸軍被甲環衛皇城丙午屢雲見官屬諸軍勸進固讓良久於是親告于太祖廟還御宣政殿即

皇帝位以完顏謀衍爲右副元帥高忠建元帥左監軍完顏福壽右監軍盧萬家奴顯德軍節度使丁未大赦改元大定下詔暴揚海陵罪惡數十事己酉饗將士賜官賞各有差仍給復三年會寧胡里改速頻等路南伐諸軍會尚書省奏請以從軍來者補諸局司承應人及官吏闕員上曰舊人南征者即還何以處之必不可闕者量用新人可也辛亥以利涉軍節度使獨吉義爲參知政事中都留守西北面行營都統完顏毅英將兵二萬駐歸化以爲左副元帥丁巳出內府金銀器物贍軍吏民出財物佐官用者甚衆壬戌以前臨潢尹晏爲左丞相癸亥詔諭南京大傳

尚書令張浩甲子與平軍節度使張玄素上謁尚書省奏
正隆軍興之餘進錢粟者宜量授以官從之詔遣移刺札
八招契丹諸部爲亂者以前肇州防禦使神土滿恩爲元帥
右都監十一月己巳朔以左丞相晏兼都元帥辛未以戶
部尚書李石爲參知政事己卯詔調民間馬充軍用事畢
還主死者給價阿瑱璋殺同知中都留守事沙禹只阿瑱
自稱中都留守璋自稱同知留守事使後家奴等來上表
賀辛巳以如中都期日詔群臣壬午詔中都都轉運使左
淵曰凡宮殿張設毋得增置無役一夫以擾百姓但謹園
禁嚴出入而已以尚書右司員外郎完顏兀右出爲詔諭

高麗使癸未遣權元帥左都監吾札忽右都監神
寧丹僕散渾坦討契丹諸部甲申追尊仁考顯王爲宣宗
謚簡肅廟號睿宗皇妣蒲察氏曰欽慈皇后李氏曰貞懿
皇后群臣上尊號曰仁明聖孝皇帝乙酉追復東睿皇帝
號謚武靈廟號閔宗詔中外封子實魯刺爲許王胡土瓦
爲楚王戊子辭謁太祖廟及貞懿皇后園陵己丑如中都
次小口使中都留守宗憲先往壬辰次梁魚務樞密副使
北面行營都統白彥敬南京留守北面行營副統紇石烈
志寧以所統軍數來上安武軍節度使爽來歸乙未完顏
元宜等弒海陵於揚州丙申次義州丁酉宋人破陝州防

禦使折可直降同知防禦使事李柔立死之十二月乙卯次
三河縣左副元帥完顏穀英來朝丙辰次通州延安尹唐
括德溫來朝丁巳至中都戊午謁太祖廟己未御貞元殿
受群臣朝庚申以元帥左監軍高忠建等為報諭宋國使
壬戌詔軍士自東京扈從至京師者復三年同知河間尹
高昌福上書陳便宜上覽之再三詔內外大小職官陳便
宜丙寅詔左副元帥完顏穀英規措南邊及陝西等路事
二年正月戊辰朔日有食之伐鼓用幣上徹樂減膳不視
朝庚午上謂宰相曰進賢退不肖宰相之職也有才能高
於己者或懼其分權往往不肯引置同列朕甚不取卿等

毋以此為心以前翰林學士承旨致仕翟永固為尚書
本濟南尹僕散忠義為右丞都統斜哥副統完顏布輝坐
獲易置中都官吏斜哥除名布輝削兩階罷之辛未御太
和殿宴百官宗戚命婦賜賚有差壬申勅御史臺檢察六
部文移稽而不行行而失當皆舉劾之甲戌除迎賽神佛
祭令乙亥如大房山丙子獻享山陵禮畢欲獵而還左丞
相晏等諫曰邊事未寧不宜游幸戊寅還宮因諭晏等曰
朕常慕古之帝王虛心受諫卿等有言即言毋緘默以自
便辛巳以兵部尚書可喜等謀反伏誅詔中外是日賜扈
從猛安謀克甲士下至阿里喜有差遣左副點檢蒲察阿

字空等賞賚河南將士以前勸農使移刺元宜爲御史大夫詔前工部尚書蘇保衡太子少保高思廉振賜山東百姓粟帛無妻者具姓名以聞庚寅行納粟補官法遣右副元帥完顏謀衍率師討蕭宮幹壬辰上謂宰執曰朕即位未半年可行之事甚多近日全無敷奏朕深居九重正賴卿等贊襄各思所長以聞朕豈有倦怠癸巳太白書見甲午上謂宰執曰卿等當參民間利害及時事之可否以時敷奏不可公餘輒從自便優游而已命河北山東陝西等路征南步軍並放還家咸平濟州軍三萬人屯京師丙申以西南路招討使完顏思敬兵部尚書阿鄰督北邊將士

二月己亥前翰林待制人顯以言盜賊忤海陵校而除名起爲秘書丞補闕馬欽以諂事海陵除名庚子詔罷戶部尚書梁球戶部郎中耶律道以撫山東百姓招諭盜賊或避賊及避徭役在他所者並令歸業及時農種無問罪名輕重並與原免壬寅太傅尚書令張浩來見癸卯以上初即位遣遼陽主簿石抹移迭東京麴院都監移刺葛補招契丹叛人爲白彥敬紇石烈志寧所害並贈鎮國上將軍令其家各食五品俸仍收錄其子甲辰以張浩爲太師尚書令如故御史大夫移刺元宜爲平章政事辛亥定世襲猛安謀克遷授格壬子以太保左領軍大都督奔睹

為都元帥太保如故癸丑詔降蕭玉敬嗣暉許霖等官放
歸田里甲寅復用進士為尚書省令史丙辰嵩州刺史石
抹木突刺等敗宋敗宋止 巳鄭州防禦使蒲察世

傑取陝州甲子詔都元帥奔睹開府山東經略邊事澤州
刺史特末哥及其妻高福娘伏誅閏月甲戌上謂宰臣曰
比聞外議言奏事甚難朕於可行者未嘗不從自今敷奏
勿有所隱朕因樂聞之戊子上謂宰臣曰臣民上書者多
勅尚書省詳閱而不即具奏天下將謂朕徒受其言而不
行也其亟條具以聞庚寅詔平章政事移刺元宜泰州路
規措邊事辛卯太和厚德殿火乙未尚書兵部侍郎溫敦

木突刺等與窩斡戰敗于勝州三月癸卯參知政事獨吉
義罷元帥左都監徒單合喜敗宋將吳璘于德順州甲辰
追削李通官職乙巳免南京正隆丁未貸役錢辛亥以廉
平誠諭中外官吏癸亥詔河南陝西山東昨因捕賊良民
被虜為賊者釐正之四月巳巳右副元帥完顏謀衍等敗
窩斡于長樂辛未降廢帝亮為海陵郡王乙亥詔減御膳
及宮中食物之半夏國遣使來賀即位及進方物及賀萬
春節右副元帥完顏謀衍復敗窩斡於霧霖河辛巳夏夏
使貞元殿故事外國使三節人從皆坐廡下賜食止察其
食不精腆曰何以服遠人之心掌食官皆杖六十癸未夏

為都元帥太保如故癸丑詔降蕭玉敬嗣暉許霖等官放
歸田里甲寅復用進士為尚書省令史丙辰嵩州刺史石
抹木突刺等敗宋兵於壽州丁巳鄭州防禦使蒲察世
傑取陝州甲子詔都元帥奔睹開府山東經略邊事澤州
刺史特末哥及其妻高福娘伏誅閏月甲戌上謂宰臣曰
比聞外議言奏事甚難朕於可行者未嘗不從自今敷奏
勿有所隱朕因樂聞之戊子上謂宰臣曰臣民上書者多
勅尚書省詳閱而不即具奏天下將謂朕徒受其言而不
行也其亟條具以聞庚寅詔平章政事移刺元宜泰州路
規措邊事乙卯太和厚德殿火乙未尚書兵部侍郎溫敦

木突刺等與窩斡戰敗于勝州三月癸卯參知政事獨吉
義罷元帥左都監徒單合喜敗宋將吳璘于德順州甲辰
追削李通官職乙巳免南京正隆丁夫貸役錢辛亥以廉
平誠諭中外官吏癸亥詔河南陝西山東昨因捕賊良民
被虜為賊者釐正之四月己巳右副元帥完顏謀衍等敗
窩斡于長樂辛未降廢帝亮為海陵郡王乙亥詔減御膳
及宮中食物之半夏國遣使來賀即位及進方物及賀萬
春節右副元帥完顏謀衍復敗窩斡斡於霧霖河辛巳夏夏
使貞元殿故事外國使三節人從皆坐廡下賜食止察其
食不精膳曰何以服遠人之心掌食官皆杖六十癸未夏

使朝辭乞互市從之己丑以右丞相晏為太尉壬辰詔征契丹部將士曰應契丹與大軍未戰而降者不得殺傷仍安撫之後招誘來降者除奴婢以已虜為定其親屬使各還其家仍官為贖之五月丁酉朔以曷速館節度使白彥敬為御史大夫戊戌遣元帥左監軍高忠建會北征將帥討契丹己亥以臨海軍節度使紇石烈志寧為元帥右監軍右副元帥完顏謀衍元帥右監軍完顏福壽坐逗遛召還京師皆罷之壬寅立楚王允迪為皇太子詔中外丁巳押軍萬戶裴蒲按刺猛安移刺沙里刺敗宋兵于華州六月戊辰命御史大夫白彥敬西北路市馬庚午以尚書右丞僕散忠義為平章政事兼右副元帥經略契丹詔出內府金銀給征契丹軍用戊寅詔屠庸關古北口譏察契丹姦細捕獲者加官賞己卯詔守禦古北口及石門關庚辰宋遣使賀即位壬午右副元帥僕散忠義與窩斡戰于花道戊子以南京留守紇石烈良弼為尚書右丞右副元帥庚寅僕散忠義大敗窩斡于梟嶺西陷泉獲其弟梟壬辰以西南路招討使完顏思敬為元帥右都監七月丁酉復取原州丙午宋主傳位于子昚甲寅詔諭契丹丁巳速頻軍士木里古等誣完顏謀衍子斜哥寄書其父謀反并以其書上之上覽書曰此誣也止訊告者訊之果誣也木里

古伏誅庚申太尉尚書左丞相晏致仕壬戌詔發濟州會
寧府軍在京師者以五千人赴北京都統府陝西都統璋
敗宋將吳璘于張義堡八月乙丑朔奚抹白謀克徐列等
降左監軍高忠建破奚于栲栳山及招降旁近奚六營有
不降者攻破之盡殺其男子以其婦女童孺分給諸軍丁
卯永興縣進嘉禾壬申萬戶溫迪罕阿魯帶與奚戰于古
北口敗焉詔同判大宗正事完顏謀衍等禦之癸酉上謂
宰臣曰百姓上書陳時政其言猶有所補卿等位居機要
寧無獻替可乎夫聽斷獄訟簿書期會何人不能唐虞之
聖猶務兼覽博照乃能成治正降專任獨見故取敗亡朕
早夜孜孜冀聞讜論卿等宜體朕意詔百司官吏凡上書
言事或爲有司所抑許進表以聞朕將親覽以觀人材優
劣夏國遣使賀尊號丁丑免齊國妃韓王亨樞密忽土留
守隨等家親屬在宮籍者詔元帥右都監完顏勳敬以所
部軍與大軍會計窩斡乙酉詔左諫議大夫石琚監察御
史馮仲尹廉察河北東路丁亥詔御史臺曰卿等所劾惟
諸局行移稽緩及緩於赴局者耳此細事也自三公以下
官僚善惡邪正當審察之若止理細務而略其大者將治
卿等罪矣契丹老和尚降辛卯罷諸關征稅九月甲午朔
完顏謀衍擒奚猛安合住元帥右都監徒單合喜大敗宋

將吳璘于德順州乙未詔尚書右丞紇石烈良弼以便宣
招撫奚契丹之叛者庚子元帥右都監完顏思敬獲契丹
窩幹餘衆悉平以尚書左司員外郎完顏正臣爲夏國生
日使壬寅獵于近郊乙巳以移刺窩幹平詔中外庚戌改
葬睿宗皇帝壬子以元帥右都監完顏思敬爲右副元帥
戊午詔思敬經略南邊辛酉春遷睿宗皇帝梓宮于盤寧
宮癸亥元帥右監軍徒單合喜等敗宋兵于德順州河南
統軍使宗尹復取汝州十月丁卯以左副元帥完顏穀英
爲平章政事戊辰如山陵謁睿宗皇帝梓宮哭盡哀平章
政事右副元帥僕散忠義等還自軍上謁丙戌以僕散忠

義爲尚書右丞相元帥左監軍紇石烈志寧爲左副元帥
戊子葬睿宗皇帝于景陵大赦己丑詔左副元帥紇石烈
志寧經略南邊壬辰華州防禦使蒲察世傑卅州刺史赤
盞胡速魯改敗宋兵于德順州十一月癸巳朔詔右丞相
僕散忠義伐宋丁酉第職官廉能汚濫不職各爲三等而
黜陟之十二月乙酉遣尚書刑部侍郎劉仲淵等廉察宣
諭東京北京等路

三年正月壬辰朔高麗夏遣使來賀庚子太白晝見壬子
遣客省使烏居仁賞勞河南軍士癸卯二月起二月
甲子詔太子少詹事楊伯雄等廉簡山西路庚午上謂宰

將吳璘于德順州乙未詔尚書右丞紇石烈良弼以便宣
招撫奚契丹之叛者庚子元帥右都監完顏思敬獲契丹
窩斡餘衆悉平以尚書左司員外郎完顏正臣爲夏國生
日使壬寅獵于近郊乙巳以移刺窩斡平詔中外庚戌改
葬睿宗皇帝壬子以元帥右都監完顏思敬爲右副元帥
戊午詔思敬經略南邊辛酉春遷睿宗皇帝梓宮于盤寧
宮癸亥元帥右監軍徒單合喜等敗宋兵于德順州河南
統軍使宗尹復取汝州十月丁卯以左副元帥完顏穀英
爲平章政事戊辰如山陵謁睿宗皇帝梓宮哭盡哀平章
政事右副元帥僕散忠義等還自軍上謁丙戌以僕散忠

義爲尚書右丞相元帥左監軍紇石烈志寧爲左副元帥
戊子葬睿宗皇帝于景陵大赦己丑詔左副元帥紇石烈
志寧經略南邊壬辰華州防禦使蒲察世傑丹州刺史赤
麥胡速魯改敗宋兵于德順州十一月癸巳朔詔右丞相
僕散忠義伐宋丁酉第職官廉能汚濫不職各爲三等而
黜陟之十二月乙酉遣尚書刑部侍郎劉仲淵等廉察宣
諭東京北京等路

三年正月壬辰朔高麗夏遣使來賀庚子太白晝見壬子
遣客省使烏居仁賞勞河南

取德順州二月

甲子詔太子少詹事楊伯雄等廉問山西路庚午上謂宰

相曰灤州饑民流散逐食甚可矜恤移於山西富民贍濟
仍于道路計口給食壬申詔撫諭陝西庚辰太保都元帥
奔賭薨丙戌趙景元等以亂言伏誅庚寅高麗真遣使來
賀萬春節高麗遣使賀即位東京僧法通以妖術亂衆都
統府討平之三月丙申中都以南八路蝗詔尚書省遣官
捕之壬寅詔戶部侍郎魏子平等九人分詣諸路猛安謀
克勸農及庶問詔臨潢漢民逐食於會寧府濟信等州庚
戌詔免去年租稅四月辛酉朔右副元帥完顏思敬罷丁
卯平章政事完顏穀英御史大夫白彥敬罷以參知政事
李石爲御史大夫丁丑詔吏犯贓罪雖會赦不叙己卯以

引進使韓綱爲橫賜高麗以乙酉賑山西路猛安謀克貧
民給六十日糧是月取商虢環州宋所侵一十六州至是
皆復五月辛卯朔右丞相洪散忠義朝京師乙未以重五
幸廣樂園射柳命皇太子玠王百官皆射勝者賜物有差
上復御常武殿賜宴擊毬自是歲以爲常丙申宋人攻破
靈壁虹縣己亥罷河南山陝西統軍司置都統副統以
太子詹事完顏守道從皇太子玠召諭守道曰卿任執政
所責非輕自今毋從行辛丑以右丞相僕散忠義兼都元
帥癸卯僕散忠義還軍河南路都統奚撻不也叛入于宋
丙午宋人攻破宿州辛亥更定出征軍逃亡法尚書省請

籍天德間被誅大臣諸奴隸及從窩斡亂者爲軍上以四方甫定民意稍蘇而復簽軍非長策不聽癸丑詔諭契丹餘黨蒲速越等如能自新並釋其罪若執蒲速越父子以來者仍官賞之左副元帥紇石烈志寧復取宿州河南副統李木魯定方死于陣乙卯以北京留守完顏思敬復爲右副元帥中都蝗詔參知政事完顏守道按問大興府捕蝗官六月庚申朔日有食之以刑部尚書蘇保衡爲參知政事丙子詔曰正隆之末濟州路逃回軍士爲中都官軍所邀殺者官爲收葬已卯觀稼于近郊甲申太師尚書令張浩罷以宿直將軍阿勒根和衍爲橫賜夏國使七月庚戌太白晝見以太子太師宗憲爲平章政事以孔總爲封衍聖公八月丙寅太白經天庚午詔曰祖宗時有勞勩未曾遷賞者五品以上奏聞六品以下及無職事者尚書省約量升除甲戌詔參知政事完顏守道招撫契丹餘黨戊寅詔罷契丹猛安謀克其戶分隸女直猛安謀克命諸官員年老者許存馬一二疋餘並括買入官勅殿前都點檢唐括德溫重九出獵國朝舊俗今扈從軍二千能無擾民可嚴爲約束仍以錢萬貫分賜之乙酉如大房山丁亥薦享于睿陵戊子還宮癸巳宿直將軍僕散習尼列爲夏國生封使九月丁酉秋獵以重九拜天于北郊丙午詔輸

林待制劉仲誨等廉問車駕所經州縣乙卯還宮十月甲子大享于太廟丙寅以許王府長史移刺天佛留爲高麗生日使癸酉冬獵十一月庚寅太白晝見經天壬辰還都戊申詔求仕官輒入權要之門追一官仍降除以請求有所饋獻及受之者具狀奏裁庚戌百官請上尊號不允詔中都平州及饑荒地并經契丹剽掠有質賣妻子者官爲收贖壬子尚書左丞翟永固罷癸丑罷貢金線段疋甲寅以尚書右丞紇石烈良弼爲左丞吏部尚書石琚爲參知政事十二月丁丑臘獵于近郊以所獲薦山陵自是歲以爲常詔流民未復業增限招誘己卯參知政事蘇保衡至自軍辛巳以爲尚書右丞

四年正月丁亥朔高麗復遣使來賀戊子罷路府州元日及萬春節貢獻上謂侍臣曰秦王宗翰有功於國何乃無嗣皆未知所對上曰朕嘗聞宗翰在西京抗殺勾者千人得非其報耶癸巳百官復請上尊號不允丁酉如安州春水壬寅至安州大雪詔扈從人舍民家者人日支錢一百與其主甲辰元帥府言宋遣審議官胡昉致尚書右僕射書來議和好以其言失信拘昉軍中以書答之及以書進上覽之曰宋之失信行人何罪當即遣還邊事令元帥府從宜措置乙巳尚書省奏徐州民曹珪討賊江志而子病

亦在賊中并殺之法當補二官叙雜班上以所奏未當進
一官正班用之辛亥獲頭鵝遣使薦山陵自是歲以為常
二月丁巳免安州今年賦役及保塞縣御城邊吳二村凡
扈從人嘗止其家者亦復一年辛酉獵于高陽之北庚午
還都庚辰以北京粟價踴貴詔免今年課甲三月丙戌朔
萬春節高麗夏遣使來賀詔免北京歲課段匹一年庚子
京師地震壬寅百官復請上尊號不允四月丁巳平章政
事完顏元宜罷甲戌出宮女二十一人五月旱癸卯勅有
司審冤獄禁宮中音樂放毬場役夫乙巳詔禮部尚書王
競禱雨于北岳己酉命參知政事石琚等於北郊望祭禱

雨壬子雨窩幹餘黨蒲速越伏誅六月甲寅朔日有食之
壬戌尚書左丞紇石烈良弼至自征南元帥府甲子以雨
足命有司祭謝嶽鎮海瀆于北郊己巳幸東宮視皇太子
疾庚午初定祭五嶽四瀆禮辛未觀稼于近郊庚辰詔諭
元帥府曰所請伐宋軍萬五千今以騎三千步四千赴之
詔陝西元帥府議入蜀利害以聞七月壬辰故衛王襄妃
及其子和尚以妖妄伏誅庚子以尚書左丞紇石烈良弼
為平章政事辛丑大風雷雨拔木八月甲寅朔詔征南元
帥府曰前所請收復舊疆乞候秋涼進發今已秋涼復俟
何時戊午以參知政事完顏守道為尚書左丞大興尹唐

括安禮爲參知政事壬申上謂宰臣曰知每奏嘗常事凡治國安民及執政不便於民者未嘗及也如此則宰相之任誰不能之已卯如大房山辛巳致祭于山陵九月癸未朔還都乙酉上謂宰臣曰形勢之家親識訴訟請屬道達官吏往往屈法徇情宜一切禁止已丑上謂宰臣曰北京懿州臨潢等路嘗經契丹寇掠平薊二州近復蝗旱百姓艱食父母兄弟不能相保多冒虜爲奴朕甚閱之可速遣使閱實其數出內庫物贖之乙未辛鷹房主者以鷹隼置內省堂上上怒曰此宰相廳事豈置鷹隼處耶痛責其人俾置他所己亥以宿直將軍烏里雅爲夏國生日使辛亥以太子少詹事烏古論三合爲高麗生日使十月癸亥朔獵于密雲縣丙寅還都已卯命泰寧軍節度使張弘信等二十四人分路通檢諸路物力十一月乙酉征南都統徒單克寧敗宋兵取楚州己丑封子朮功爲鄭王辛卯冬獵乙未詔進師伐宋戊戌次河間府辛丑尚書省火甲辰次清州閏月壬子朔還都十二月丁亥尚書省奏都統高景山取商州己丑臘獵于近郊辛卯太白書見經天是歲大有年斲死罪十有七人

五年正月辛亥朔高麗夏遣使來賀乙卯詔泰州臨遼接境設邊堡七十駐兵萬三千己未宋通問使魏杞等以國

書來書不稱大稱姪宋皇帝稱名再拜奉書于叔大金皇
帝歲幣二十萬辛未詔中外復命有司旱蝗水溢之處與
免租賦癸酉命元帥府諸新舊軍以六萬人留戍餘並放
還以宋國歲幣悉營諸軍二月壬午以左副都點檢完顏
仲等爲宋報問使壬寅罷納粟補官令三月戊申萬春節
宋高麗夏遣使來賀壬申群臣奉上尊號曰應天興祚仁
德聖孝皇帝詔中外四月癸卯西京留守壽王京謀反獄
成特免死杖之除名嵐州安置乙巳右副元帥完顏思敬
罷丁未右丞相都元帥僕散忠義還自軍五月壬子左副
元帥紇石烈志寧以召入見丁巳以僕散忠義爲尚書左
丞相紇石烈志寧爲平章政事遼軍乙丑以平章政事宗
憲爲尚書右丞相癸酉罷山東路都統府以其軍各隸總
管府六月甲辰芝產大安殿柱丙午京師地震雨毛七月
戊申朔京師地震罷陝西都統府復置統軍司京兆徙
陝西元帥府河中八月己卯前宿州防禦使烏林答剌撒
以與宋李世輔交通伏誅癸巳宋夏遣使賀尊號九月丁
未朔以吏部尚書高衍等爲賀宋生日使戊申秋獵庚戌
以宿直將軍木虎蒲查爲夏國生日使甲戌還都十月丁
丑朔地震辛巳以太宗正丞璋爲高麗生日使乙未冬獵
辛丑還都十一月丙午朔上謂宰臣曰朕在位日淺未能

備識臣下賢否全賴卿等盡心舉薦今六品以下殊乏人材何以副朕求賢之意癸丑幸東宮戊午以右副都點檢烏古論粘沒喝爲賀正旦使癸亥立諸路通檢地土等第稅法癸酉大霧晝晦十二月己丑獵于近郊高麗遣使賀尊號辛丑神交節外特癸丑未夏節賀尊號六月六年正月丙午朔宋高麗夏遣使來賀庚午勅有司宮中張設毋以塗金爲飾二月丁亥尚書左丞相兼都元帥沂國公僕散忠義薨三月壬寅萬春節宋高麗夏遣使來賀甲寅上如西京庚申次歸化州西京留守唐括德溫上謁戊辰至西京庚午朝謁太祖廟壬申擊毬百姓縱觀四月甲戌朔詔月朔禁屠宰甲戌以尚書右司郎中移刺道爲橫賜高麗使宿直將軍糾卯摑刺爲橫賜夏國使辛丑太白晝見五月戊申幸華嚴寺觀故遼諸帝銅像詔主僧謹視之壬子詔雲中大同縣及警巡院給復一年壬戌詔將幸銀山諸扈從軍士賜錢五萬貫有敢損苗稼者並償之六月辛巳太白晝見經天丙戌發自西京庚子獵于銀山七月辛酉次三义口八月丁未朔次涼陘庚辰獵于望雲之南山九月辛丑朔至自西京丁未以戶部尚書魏子平爲賀宋生日使辛亥以翰林待制移刺熙載爲夏國生日使澤州刺史劉德裕等以次用官錢伏誅壬子太白晝見

癸丑尚書右丞相宗憲薨丙辰太白晝見經天十月己卯
以尚書兵部侍郎移刺按兵爲高麗生日使甲申朝享于
太廟詔免雄莫等州今年租壬辰太白晝見經天丁酉如
安肅州冬獵十一月丙午遷都癸丑以右副都點檢烏古
論元忠爲賀宋正旦使上謂宰相曰朝官當慎選其人庶
可激勵其餘若不當則啓細覲之心卿等必知人才優劣
舉實才用之庚申太白晝見經天丁卯參知政事石琚以
母憂罷十二月甲戌詔有司每月朔望及上七日毋奏刑
名戊子太白晝見經天甲午泰州民合住謀反伏誅丙申
以平章政事紇石烈良弼爲尚書右丞相紇石烈志寧爲
樞密使

七年正月庚子朔宋高麗遣使來賀辛亥石琚起復參
知政事壬子上服袞冕御大安殿受尊號冊寶禮癸丑大
赦庚申以元帥左監軍徒單合喜爲樞密副使二月庚寅
尚書右丞蘇保衡薨丙申以參知政事石琚爲尚書右丞
三月己亥朔萬春節宋高麗遣使來賀四月戊辰朔日
有食壬辰以御史大夫太子石爲司徒大夫如故五月丙
午大興府獄空詔賜錢三萬貫爲宴樂之用以勞之甲寅
以北京留守釋益溫敦兀世弼爲參知政事六月癸酉命地
衣用龍文者罷之七月戊申禁服用金線其織者皆罷

罪丙辰幸東宮己未幸東宮口視皇太子疾閏月下卯觀稼
于近郊戊辰越王永中進封許王鄭王永功封隨王永成
封藩王甲戌詔遣秘書監移刺子敬經略北邊戊寅幸東
宮己卯慶雲環日壬午觀稼于近郊戊子觀稼于北郊八
月辛亥慶雲環日癸丑尚書右丞相監脩國史紀石烈良
弼進太宗實錄上立受之己未如大房山壬戌致祭齊陵
九月乙丑朔還宮己巳右三部檢法官韓贊以捕蝗受賂
除名詔吏人但犯賊罪雖會赦非特旨不叙以勸農使蒲
察莎魯窩等為賀宋生口使辛未參知政事唐括安禮罷
乙亥以宿直將軍唐括離為夏國生口使庚辰地震辛

巳以都水監李衛國為高懸生口使乙酉秋獵原官次行
州詔修起居注王天祺察訪所經過州縣官十月乙未朔
上謂侍臣曰近聞朕所幸郡邑曾宴寢堂宇後皆避之此
甚無謂可宣諭令仍舊居止戊申還都丁巳上謂宰臣曰
海陵不辨人才優劣惟徇己欲多所并擢朕即位以來以
此為戒止取實才用之近聞豕豕同知移刺延壽在官汚
濫詢其出身乃正隆時鷹房子如鷹房厨人之類可典城
牧民耶自今如此局分不得授以臨民職任以御史中丞
孟浩為參知政事是日參知政事耨益温敦兀帶薨辛酉
勅有司於東宮涼樓前增建殿位孟浩諫曰皇太子雖為

儲貳宜示以儉德不當與至尊宮室相侔乃罷之十一月
乙丑朔上謂宰臣口聞縣令多非其人其令吏部察其善
惡明加黜陟辛未以河間尹徒單克寧等為賀宋正旦使
壬申太白晝見丁丑歲星晝見丁亥樞密副使徒單合喜
罷十二月戊戌東京留守徒單合喜北京留守完顏謀衍
肇州防禦使蒲察通朝辭賜通金帶諭之曰卿雖有才然
用心多詐朕左右須忠實人故命卿補外賜卿金帶者君
卿服勞之久也又顧謂左宣徽使敬嗣暉曰如卿不可謂
無才所欠者純實耳甲辰以北京留守完顏思敬為平章
政事是歲斷死囚二十人

八年正月甲子朔宋高麗使來賀乙丑上謂宰臣曰
朕治天下方與卿等共之事有不可各當面陳以輔朕之
不逮慎毋阿順取容卿等致位公卿正行道揚名之時苟
或偷安自便雖為今日之幸後世以為何如群臣皆稱萬
歲辛未謂秘書監移刺子敬等曰昔唐虞之時未有華飾
漢惟孝文務為純儉朕於宮室惟恐過度其或興修即損
宮人歲費以死之今亦不復營建矣如宴飲之事近惟太
子生日及歲元嘗飲酒往者亦止上元中秋飲之亦未嘗
至醉至於佛法尤所未信梁武帝為同泰寺奴遼道宗以
民戶賜寺僧復加以三公之官其惑深矣庚辰行皇太子

冊禮二月甲午朔制子爲改嫁母服喪三年上諭左宣徽使敬嗣暉曰凡爲人臣上欲要君之恩下欲干民之譽必虧忠節卿宜戒之三月癸亥朔萬春節宋高麗宴遣使來賀己巳命以職官子補令史丁丑命護衛親軍百戶五十戶非直日不得帶刀入宮己丑太白晝見四月丙午詔曰馬者軍旅所用牛者農耕之資殺牛有禁馬亦何殊其令禁之戊申擊毬常武殿司天馬貴中諫曰陛下爲天下主繫社稷之重又春秋高圍獵擊毬危事也宜悉罷之上曰朕以示習武耳五月甲子北望淀太震風雨雷廣十里長六十里詔戶工兩部自今宮中之飾並勿用黃金乙丑上

如涼陘丁卯歲星書見庚寅改旺國崖曰靜寧山曷里壽東川曰金蓮川六月河決李固渡水入曹州七月甲子制盜群牧馬者死告者給錢三百貫戊辰上謂平章政事完顏思敬等曰朕思得賢士寤寐不忘自今朝臣出外即令體訪外任職官廉能者及草萊之士可以助治者具姓名以聞甲戌秋獵己卯次三义口上諭點檢司曰公路禾稼甚佳其扈從人少有蹂踐則當汝罪八月乙卯至自涼陘九月辛酉上諭尚書右丞石琚參政孟浩曰聞蔚州採地置役夫數百千人朕所用幾何而擾動如此自今差役凡稱御前者皆須稟奏仍令附冊癸亥以右宣徽使移刺神

獨幹等為賀宋生日使己巳以引進使高希甫為夏國生日使庚午上幸東宮癸酉上諭宰臣曰卿等舉用人材凡己所知識必使他人舉奏朕甚不喜如其果賢何必以親疎為避忌也以戶部尚書魏子平為參知政事辛巳上謂御史大夫李石曰臺憲固在分別邪正然內外百司豈謂無人惟見卿等劾人之罪不聞舉善自今宜令監察御史分路刺舉善惡以聞上嘗命左衛將軍大磐訪求良弓而磐多自取護衛婁室以告上命點檢司鞠磐磐妹為寶林磐屬內侍僧兒言之寶林寶林以聞命杖僧兒百出磐為隴州防禦使十月己丑朔以戒諭官吏貪墨詔中外乙未命隴州刺史兼提點山陵每以朔望致祭朔則用素羹則用肉仍以明年正月為首及命圖畫功臣於太祖廟其未立碑者立之以翰林待制靖為高麗生日使上謂宰臣曰海陵時脩起居注不任直臣故所書多不實可訪求得實詳而錄之參政孟浩進曰良史直筆君舉必書自古帝王不自觀史意正在此辛亥詔罷復州歲貢鹿筋十一月乙丑幸東宮以同簽太宗正事關合土等為賀宋正旦使十二月戊子朔遣武定軍節度使移刺按等招諭阻鞑九年正月戊午朔宋高麗夏遣使來賀辛酉上與宣徽使敬嗣暉秘書監移刺子敬論古今事因曰亡遼日屠食羊

三百亦豈能盡用徒傷生耳朕雖處至尊每當食常思貧民饑餒猶在己也彼身爲惡而口祈福何益之有如海陵以張仲軻爲諫議大夫何以得聞忠言朕與大臣論議一事非正不言卿等不以正對豈人臣之道也庚午詔諸州縣和糴毋得抑配百姓戊寅契丹外失刺等謀叛伏誅丙戌制漢入渤海兄弟之妻服闋歸宗以禮續婚者聽二月庚寅制妄言邊關兵馬者徒二年丙申詔改葬漢二燕王於城東庚子以中都等路水免稅詔中外又以曹單二州被水尤甚給復一年甲寅詔女直人與諸色人公事相關只就女直理問三月丁巳朔萬春節宋高麗夏遣使來賀

丁卯以尚書省定網捕走獸法或至徒上曰以禽獸之故而抵民以徒是重禽獸而輕民命也豈朕意哉自今有犯可杖而釋之詔御史中丞移刺道廉問山東河南辛未禁民間稱言銷金條理內舊有者改作明金字辛巳以大名路諸猛安民戶艱食遣使發倉廩減價出之四月己丑謂宰臣曰朕觀在位之臣初入仕時競求聲譽以取爵位亦既顯達即徇默苟容爲自安計朕甚不取宜宣諭百官使知朕意癸巳遣翰林脩撰蒲察兀虎監察御史完顏鵬沙分詣河北西路大名河南山東等路勸猛安謀克農五月丙辰朔以符寶卽徒單懷貞爲橫賜高麗使宿直將軍完

顏賽也爲橫賜夏國使戊辰尚書省奏越王永中隋王永
功二府有所興造發役夫上曰朕見宮中竹有枯瘁者欲
令更植恐勞人而止二王府各有引從人又奴婢甚多
何得更役百姓爾等但以例爲請海陵橫役無度可盡爲
例耶自今在都浮役久爲例者仍舊餘並官給傭直重者
奏聞六月庚寅冀州張和等反伏誅戊戌以久旱命宮中
毋用扇庚子雨七月乙卯朔罷東北路採珠壬申觀稼于
近郊八月甲申朔有司奏日食以雨不見伐鼓用幣如常
禮九月甲寅朔以刑部尚書高德基等爲賀宋生日使宿
直將軍僕散守中爲夏國生日使提點司天臺馬貴中爲

高麗生日使罷皇太子月料歲給錢五萬貫上謂臺臣曰
此聞朝官內有攬中官物以規貨利者汝何不言皆對曰
不知上曰朕尚知之汝有不知者乎朕若舉行汝將安用
壬戌秋獵十月丁亥還都辛丑以尚書右丞相紇石烈良
弼爲左丞相樞密使紇石烈志寧爲右丞相詔宗廟之祭
以鹿代牛著爲令丙午大享于太廟辛亥以平章政事完
顏思敬爲樞密使十一月己未以尚書左丞完顏守道爲
平章政事右丞石琚爲左丞參知政事孟浩爲右丞庚申
上幸東宮辛酉以京兆尹毅等爲賀宋正旦使壬戌冬獵
丙子還都十二月丙戌詔賑臨濱秦州山東東路河北東

路諸猛安民以東京留守徒單合喜爲平章政事丁酉太白晝見辛丑獵于近郊丙午制職官犯公罪在官已承伏者雖去官猶論百罪爲法不冬以如軍孟詵爲古交與甲十年正月壬子朔宋高麗夏遣使來賀甲子命宮中元宵無得張燈甲戌以司徒御史太天李石爲太尉尚書令二月甲午安化軍節度使徒單子溫副使老君奴以贓罪伏誅戊申上謂近臣曰護衛以後皆是治民之官其令教以讀書三月壬子朔萬春節宋高麗夏遣使來賀丙辰上因命護衛中善射者押賜宋使射弓宴宋使中五十押宴者纔中其七謂左右將軍曰護衛十年出爲五品職官每三日上直役亦輕矣豈徒令飽食安卧而已弓矢不習將焉用之戊午以河南統軍使宗叙爲參知政事庚午上謂參政宗叙曰卿昨爲河南統軍時言黃河堤埽利害甚合朕意朕每念百姓差調官吏互爲姦弊不早計料臨期星火率歛所費倍蓰爲害非細卿旣參朝政皆當革弊擇利行之又諭左丞石琚曰女直人徑居遠要不知閭閻疾苦汝等自丞簿至是民間何事不知凡有利害宜悉敷陳四月丁酉制命婦犯姦不用夫廕以子封者不拘此法五月乙卯如柳河川閏月庚辰夏國任得敬晉其主李仁孝使上表請中分其國上問宰臣李石石等以爲事繫彼國不如

許之上曰彼劫於權臣耳。詔不許并却其貢物。七月壬午秋獵。戊戌放圍場役夫。詔扈從糧食並從官給。乙巳勅扈從人縱畜牧蹂踐禾稼者杖之。仍償其直。八月己未至自柳河川。壬申遣參知政事宗叙北巡。九月庚辰尚書左丞相紇石烈良弼丁憂起復如故。壬午以簽書樞密院事移刺子敬為賀宋生日使。庚寅以戶部郎中夾谷阿里補為夏國生日使。十月己酉以大宗正丞弘為高麗生日使。甲寅如霸州冬獵。乙丑上謂大臣曰比因巡獵聞固安縣令高昌裔不職已令罷之。霸州司候成奉先奉職謹恪可進一階。除固安令。辛未上謂宰臣曰朕凡論事有未能深究

院事止

其利害者卿等宜悉心論列無為面從而退。有後言十一月辛巳制盜太廟物者與盜宮中物論同。甲申上幸東宮。丁亥以太子詹事蒲察蒲速越等為賀宋正旦使。癸巳夏國以誅任得敬遣使來謝。詔慰諭之。十二月丙寅上謂宰臣曰比體中不佳有妨朝事。今觀所奏事皆依條格殊無一利國之事。若一朝行一事歲計奉餘則其利博矣。朕居深宮豈能悉知外事。卿等尤當注意。十一年正月丙子朔宋夏遣使來賀。丁丑封子永升為徐王。永蹈為滕王。永濟為薛王。壬午詔職官年七十以上致仕者不拘官品並給俸祿之半。丙申命賑南京屯田猛安

被水災者。戊戌尚書省奏汾陽軍節度副使牛信昌生日受饋獻法。當奪官。上曰：朝廷行事苟不自正，何以正天下？尚書省樞密院生日節辰饋獻不少，此而不問，小官饋獻即加按劾，豈正天下之道？自今宰執樞密饋獻亦宜罷去。上謂宰臣曰：往歲清暑山西近路禾稼甚廣，殆無畜牧之地，因命五里外乃得耕墾，今聞民皆去之，他所甚可矜憫。其令依舊耕種，事有類此，卿等宜即告朕。三月乙亥朔，萬春節，宋夏遣使來賀。辛巳，命有司以天水郡公旅櫬依一品禮葬於鞏洛之原。四月丁未，歸德府民臧安兒謀反，伏誅。大理卿李昌圖以廉問真定尹徒單貞咸平尹石抹阿沒剌受贓不法，既得罪狀，不即黜罷，杖之四十。亥，參知政事魏子平罷。高麗國王暉弟昭廢其主自立，詐稱讓國，遣使以表來。上五月辛卯詔遣吏部侍郎靖使高麗問故。癸巳，以南京留守移剌成為樞密副使。六月己酉詔曰：諸路常貢數內同州沙苑羊非急用，徒勞民爾。自今罷之。朕居深宮，勞民之事豈能盡知，似此當具以聞。戊午，觀稼于近郊。甲子，平章政事徒單合嘉薨。七月甲申，參知政事宗叙薨。八月癸卯朔，太白晝見。詔朝臣曰：朕嘗諭汝等國家利便治體遺闕，皆可直言。外路官民亦嘗言事，汝等終無一語。凡政事所行，豈能皆當？自今直言得失，毋有所隱。乙

已上謂宰臣曰隨朝之官自謂歷一考則當得其職兩考則當得其職第務因循碌碌而已自今以外路官與內除者察其公勤則并用之但苟簡於事不須任滿便以本品出之賞罰不明豈能勸勉與成詔曰應因窩幹被掠文直及諸色人未經刷放者官爲贖放隱匿者以違制論其年幼不能稱說住貫者從便住坐上謂宰臣曰五品以下闕員甚多而難於得人三品以上朕則知之五品以下不能知也卿等曾無一言見舉者欲畫久安之計與百姓之利而無良輔佐所行皆尋常事耳雖日日視朝何益之有卿等宜勉思之已巳以尚書刑部侍郎烏林荅天錫等爲賀

宋生日使近侍局使劉琬爲夏國生日使九月癸未獵于橫山庚寅還都十月壬寅朔以左宣徽使敬嗣暉爲參知政事甲寅上謂宰臣曰朕已行之事卿等以爲成命不可復更但承順而已一無執奏且卿等凡有奏何嘗不從自今朕旨雖出宜審而行有未便者即奏改之或在下位有言尚書省所行未便亦當從而改之母拒而不從丙寅尚書左丞相紇石烈良弼進睿宗實錄戊辰上謂宰臣曰衍慶宮圖書功臣已命增爲二十人如丞相韓企生自本朝興國以來憲章法度多出其手至於關決大政但與大臣謀議終不使外人知覺漢人宰相前後無比若禩顯之亦

足示勸慎無遺之十一月丁丑以西南路招討使宗寧等
爲賀宋正旦使戊寅幸東宮上謂皇太子曰吾兒在儲貳
之位朕爲汝措天下當無復有經營之事汝惟無忘祖宗
純厚之風以勤修道德爲孝明信賞罰爲治而已昔唐太
宗謂其子高宗曰吾伐高麗不克終汝可繼之如此之事
朕不以遺汝如遼之海濱王以國人愛其子嫉而殺之此
何理也子爲衆愛愈爲美事所爲若此安有不亡唐太宗
有道之君而謂其子高宗曰爾於李勣無恩今以事出之
我死宜即授以僕射彼必致死力矣君人者焉田僞爲受
恩於父安有忘報於子者乎朕御臣下惟以誠實爲群臣
皆稱萬歲丙戌朝享于太廟丁亥有事于圓丘大赦癸巳
群臣奉上尊號曰應天興祚欽文廣武仁德聖孝皇帝乙
未詔中外十二月丙午卯冬獵乙卯還宮丙辰參知政事敬
嗣暉薨辛酉進封越王宋中趙王隋王宋功曹王潘王永
成幽王徐王永升唐王滕王永蹈徐王薛王永濟滕王乙
丑趙王永中曹王永功俱授猛安仍命宋功親治事以習
爲政

本紀第六

本紀第七

金史七

二十一

本紀第七

金史七

元開府儀同三司上柱國前中書右丞相監修國史
都總裁臣脫脫修

世宗中

十二年正月庚午朔宋高麗夏遣使來賀戊寅詔有司凡
陳言文字皆國政利害自今言有可行以其本封送秘書
監當行者錄副付所司丙申以水旱免中都西京南京河
北河東山西陝西去年租稅二月壬寅上召諸王府長史
諭之曰朕選汝等正欲勸導諸王使之為善如諸王所為
有所未善當力陳之尚或不從則具某日行某事以奏若

嘉靖八年刊

金史七

一

阿意不言朕惟汝罪丙午尚書省奏廉察到同知城陽軍
事山和尚等清強官上曰此輩暗察明訪皆著政聲可第
其政績各進官旌賞其速議并除庚戌上如順州春水癸
丑還都丙辰詔自今官長不法其僚佐不能糾正又不言
上者並坐之戶部尚書高德基濫支朝官俸錢四十萬貫
杖八十三月己巳朔萬春節宋高麗夏遣使來賀乙亥詔
尚書省贓汙之官已被廉問若仍舊職必復害民其遣使
諸道即日罷之丁丑詔遣宿直將軍烏古論思列冊封王
皓為高麗國王庚寅丙午癸巳以前西北路招討使移刺
道為參知政事回紇遣使來貢丁酉北京曹貴等謀反伏

誅四月旱癸卯尚書右丞孟浩罷丁巳西北路納合七
等謀反伏誅癸亥以久旱命禱祠山川詔宰臣曰諸府少
尹多闕員當選進士雖資叙未至而有政聲者擢用之以
宿直將軍唐括阿忽里為橫賜夏國使乙丑大名尹荆王
文以贓罪奪王爵降授德州防禦使回紇使使來貢丙寅
尚書右丞相紇石烈志寧薨丁卯宋高麗遣使賀尊號阻
蹇來貢五月癸酉上如百花川甲戌命賑山東東路胡刺
溫猛安民饑丁丑次阻居久旱而雨戊寅觀稼禁扈從蹂
踐民田禁百官及承應人不得服純黃油衣癸未諭宰臣
曰朕每次舍凡秣馬之具皆假於民間多亡失不還其主

此彈壓官不職可擇人代之所過即令詢問但亡失民間什物並償其直乙酉詔給西北路人戶牛六月甲寅如金蓮川九月丙子至自金蓮川辛巳以右副都點檢夾谷清臣等爲賀宋生日使右衛將軍粘割幹特刺爲夏國生日使丁亥太白晝見在日前鄜州李方等謀反伏誅十月高麗國王王皓遣使謝封冊乙未臨奠故右丞相紇石烈志寧喪志寧妻永安縣主進鎧甲弓矢鷹鷂重綵壬子召皇太子及趙王永中上殿上顧謂宰臣曰京嘗圖逆今不除之恐爲後患又曰天下大器歸於有德海陵失道朕乃得之但務修德餘何足慮皇太子及永中皆曰誠如聖訓遂

釋之丙辰以德州防禦使文貫產賜其兄之子咬住且諭其毋文之罪汝等皆當連坐念宋王有大功於國故置不問仍以家產賜汝子十一月甲戌上謂宰臣曰宗室中有不任官事者若不加恩澤於親親之道有所未弘朕欲授以散官量子廩祿未知前代何如左丞石琚曰陶唐之親九族周家之內睦九族見於詩書皆帝王美事也丙子上以曹國公主家奴犯事宛平令劉彥弼杖之主乃折辱令既深責公主又以臺臣御勢偷安畏忌不敢言奪俸一月以陝西統軍使璋爲御史大夫以戶部尚書曹望之爲賀宋正旦使壬午同州民屈立等謀反伏誅戊子上屏侍臣

與宰臣議事記法官亦退上曰史官記人君善惡朕之言
動及與卿等所議皆當與知其於記錄無或有隱可以朕
意諭之十二月乙未朔以濟南尹劉萼在定武軍會墨不
道命大理少卿張九思鞫之丁酉詔遣官及護衛二十人
分路選年二十以上四十以下有門地才行及善射者充
護衛不得過百人冀州王瓊等謀反伏誅德州防禦使文
以謀反伏誅辛丑出宮女二十餘人已酉樞密副使移刺
成罷辛亥禁審錄官以宴飲廢公務詔金銀坑冶聽民開
採毋得收稅癸丑獵于近郊以殿前都點檢徒單克寧為
樞密副使己未詔自今除名人子孫有在仕者並取奏裁

十三年正月乙丑朔宋高麗復遣使來賀癸酉尚書省奏
南客車俊等因權場貿易誤犯邊界罪當死上曰本非故
意可免罪發還毋令彼國知之恐復治其罪詔有司嚴禁
州縣坊里為民害者閏月壬子詔太子詹事曰東宮官屬
尤當選用正人如行檢不修及不稱職者具以名聞辛酉
太白晝見洛陽縣賊聚眾攻盧氏縣殺縣令李庭才亡入
于宋三月癸巳朔萬春節宋高麗復遣使來賀乙卯上謂
宰臣曰會寧乃國家興王之地自海陵遷都永安女直人
寢忘舊風朕時嘗見女直風俗迄今不忘今之燕飲音樂
皆習漢風蓋以備禮也非朕心所好東宮不知女直風俗

第以朕故猶尚存之恐異時一變此風非長久之計甚欲一至會寧使子孫得見舊俗庶幾習效之太子詹事劉仲誨請增東宮牧人及張設上曰東宮諸司局人自有常數張設已具尚何增益太子生於富貴易入於侈惟當導以淳儉朕自即位以來服御器物往往仍舊卿以此意諭之四月己巳定出繼子所繼財產不及本家者以所繼與本家財產通數均分制以有司言特授洺州孝子劉政太子掌飲丞乙亥上御睿思殿命歌者歌女直詞顧謂皇太子及諸王曰朕思先朝所行之事未嘗暫忘故時聽此詞亦欲令汝輩知之汝輩自幼惟習漢人風俗不知女直純實之風至於文字語言或不通曉是忘本也汝輩當體朕意至於子孫亦當遵朕教誡也辛巳更定盜宗廟祭物法五月壬辰朔日有食之戊戌禁女直人母得譯為漢姓壬寅真定尹孟浩薨甲辰尚書省奏鄧州民范三毆殺人當死而親老無侍上曰在醜不爭謂之孝孝然後能養斯人以一朝之忿忘其身而有事親之心乎可論如法其親官與養濟六月樞密使完顏思敬薨七月庚子復以會寧府為上京庚戌罷歲課雉尾八月丁卯以判大興尹趙王朮中為樞密使詔賜諸猛安謀克廉能三等官賞己卯御史大夫璋罷丙戌以左副都點檢襄等為賀宋生日使丁亥秋

獵九月辛卯朔以宿直將軍胡什賚爲夏國生日使辛亥
還都大名府僧李智究等謀反伏誅十月乙丑歲星晝見
丙子以前南京留守唐括安禮爲尚書右丞十一月以大
興尹璋爲賀宋正旦使引進使大洞爲高麗生日使上謂
宰臣曰外路正五品職事多闕員何也太尉李石對曰資
考少有及者上曰苟有賢能當不次用之壬子吏部尚書
梁肅請禁奴婢服羅綺上曰近已禁其服明金行之以漸
可也且教化之行當自貴近始朕宮中服御常自節約舊
服明金者已減大半矣近民間風俗比正隆時聞稍淳儉
卿等當更務從儉表使民知所效也

十四年正月己丑朔宋高麗夏遣使來賀二月壬戌以大
興尹璋使宋有罪杖二百五十除名仍以所受禮物入官丙
寅以刑部尚書梁肅等爲宋詳問使庚午以太尉尚書令
李石爲太保致仕戊寅詔免去年被水旱百姓租稅三月
戊子朔萬春節宋高麗夏遣使來賀甲午上謂大臣曰海
陵純尚吏事當時密執止以紫牘爲功卿等當思經濟之
術不可狃于故常也又詔猛安謀克之民今後不許殺生
祈祭若遇節辰及祭天日許得飲會自二月一日至八月
終並禁絕飲燕亦不許赴會他所恐妨農功雖閒月亦不
許痛飲犯者抵罪可徧諭之又命應衛士有不閑女直語

者並勤習學仍自後不得漢語辛丑太白歲星書見甲辰
上更名雍詔中外丙辰太白歲星書見經天四月乙丑上
諭宰臣曰聞愚民祈福多建佛寺雖已條禁尚多犯者宜
申約束無令徒費財用戊辰有事于太廟以皇太子攝行
事乙亥以勸農副使完顏蒲涅爲橫賜高麗使上御垂拱
殿顧謂皇太子及親王曰人之行莫大於孝弟孝弟無不
蒙夫日之祐汝等宜盡孝于父母友于兄弟自古兄弟之
際多因妻妾離間以至相違且妻者乃外屬耳可比兄弟
之親乎若妻言是聽而兄弟相違甚非理也汝等當以朕
言常銘于心戊子以樞密副使徒單克寧兼大興尹五月

丙戌朔詳問使梁肅等還自宋甲午如金蓮川六月己未
太白晝見八月丁巳次弘里舌日中白龍見御帳東小港
中頃史乘雲雷而去癸亥獵于彌離補己卯太白晝見九
月丁亥還都乙未以兵部尚書完顏讓等爲賀宋生日使
宿直將軍崇蕭爲真國生日使癸卯上退朝謂侍臣曰朕
自在潛邸及踐阼以至于今於親屬舊知未嘗欺心有徇
近御史臺奏樞密使永中嘗致書河南統軍使完顏仲託
以賣馬朕知而不問朕之欺心此一事耳夙夜思之甚如
有疾己酉宋遣使報聘十月乙卯朔詔圖畫功臣二十人
行慶宮聖武殿之左右廡十一月甲申朔日有食之丙申

御史中丞劉仲誨等為賀宋正旦使戊戌召尚食局使諭之曰太官之食皆民脂膏日者品味太多不可徧舉徒為虛費自今止進可口者數品而已戊申以儀鸞為使曹士元為高麗國生日使十二月戊寅以平章政事完顏守道為右丞相樞密副使徒單克寧為平章政事
十五年正月此下闕七月丙午粘拔恩與所部康里亭古等內附九月戊子至自今蓮川辛卯高麗西京留守趙位寵叛其君請以慈悲嶺以西鴨綠江以東四十餘城內附不納丙申幸新宮閏月己酉朔定應禁弓箭槍刀路分品官家奴客族等許帶弓箭制上謂左丞相良弼曰今之在

官者須職位稱慳所望然後始加勉力其或稍不如則止以度日為務是豈忠臣之道耶丁巳又謂良弼曰武靈時領省秉德左丞相言皆有能名然為政不務遠圖止以苛刻為事言及可喜等在會寧時一月之間杖而殺之者二十人罪皆不至於死於理可乎海陵為人如虎此輩尚欲以術數要之以至賣直取死得為能乎己未以歸德尹完顏王祥等為賀宋生日使符寶郎斜卯和尚為夏國生日使辛酉高麗國王奏告趙位寵伏誅詔慰答之詔親王百官僚人所服紅紫改為黑紫甲戌詔年老之人毋注縣令年老而任從政其佐亦擇壯者參用十月乙未冬獵丁

未還都十一月乙卯上幸東宮初唐古部族節度使移刺
毛得之子殺其妻而逃上命捕之至是皇姑梁國公主請
赦之上謂宰臣曰公主婦人不識典法罪尚可恕毛得請
託至此豈可貸宥不許戊午以右宣徽使靖等爲賀宋正
旦使甲子太白晝見戊辰以宿直將軍阿典蒲魯虎爲高
麗生日使

十六年正月戊申朔宋高麗夏遣使來賀甲寅詔免去年
被水旱路分租稅甲子詔宗屬耒附玉牒者並與編次丙
寅上與親王宰執從官從容論古今興廢事曰經籍之興
其來久矣垂教後世無不盡善今之學者既能誦之必須

行之然知而不能行者多矣苟不能行誦之何益女
風最爲純直雖不知書然其祭天地敬親戚尊者老幼
客信朋友禮意款曲皆出自然其善與古書所載無異汝
輩當習學之舊風不可忘也戊辰宮中火庚午上按鷹高
橋見道側醉人墮驢而臥命左右扶而乘之送至其家辛
未皇姑邀上至私第諸妃皆從宴飲甚歡公主每進酒上
立飲之二月庚寅皇子潘王妃徒單氏以姦伏誅己亥平
章政事徒單克寧罷以女故三月丙午朔日有食之是日
萬春節改用明日宋高麗夏遣使來賀戊申雨豆於臨潢
之境戊午上御廣仁殿皇太子親王皆侍膳上從容訓之

曰大凡資用當務節省如其有餘可周親戚勿妄費也因
舉所御服曰此服已三年未嘗更換尚爾完好汝等宜識
之壬申復置吾都稅部禿里四月丙戌詔京府設學養士
及定宗室宰相子程試等第戊子制商賈舟車不得用馬
以東京留守崇尹爲樞密副使壬寅如金蓮川五月戊申
南京宮殿火甲寅太白晝見庚申遣使禱雨靜寧山神有
頃而雨六月山東兩路蝗七月壬子夏津縣令移刺山住
坐賊伏誅八月辛巳次霹靂癸九月乙巳至自金蓮川已
酉諭左丞相紇石烈良弼曰西邊自來不備儲蓄其令所
在和糴以爲緩急之備癸丑以殿前都點檢蒲察通等爲

賀宋生日使宿直將軍完顏覲古速爲夏國生日使諭左
丞相良弼曰海陵非理殺戮臣下甚可哀憫其孛論出等
遺骸仰逐處訪求官爲收葬辛酉以南京宮殿火留守轉
運兩司官皆抵罪十月丙申詔諭宰執曰諸王小字未嘗
以女直語命之今皆當更易卿等擇名以上十一月壬寅
朔參知政事王蔚罷尚書省奏河北東路胡刺溫猛安所
轄謀克孛米魯舍廝以謀克讓其兒子蒲速列上賢而從
之仍令議加舍廝恩賞戊午以同知宣徽院事劉琬等爲
賀宋正旦使庚申以吏部尚書張汝弼爲參知政事甲子
以粘割韓奴之子詳古爲尚輦局直長婁室爲武置直長

初韓奴被旨招契丹大石後不知所終至是因粘拔恩部
長撒里雅寅特斯等來詢知其死節之詳故錄其後遣兵
部郎中移刺子元爲高麗國生日使十二月壬申朔詔諸
科人出身四十年方注縣今年歲太遠今後仕及三十二
年別無負犯賊染追奪便與縣令丙子詔諸流移人老病
者官與養濟上諭宰臣曰凡已經奏斷事有未當鄉等勿
謂已行不爲奏聞改正朕以萬幾之繁豈無一失卿等但
言之朕當更改必無吝也庚寅定權場香茶罪賞法

十七年正月壬寅朔宋高麗夏遣使來賀高麗片表謝不
納趙位寵丙午有司奏高麗所進玉帶乃石似玉者上曰

小國無能辨識者誤以爲玉耳且人不易物惟德其物若
復却之豈禮體耶戊申詔於衍慶宮聖武殿西建世祖神
御殿東建太宗睿宗神御殿詔西北路招討司契丹民戶
其嘗叛亂者已行措置其不與叛亂及放良奴隸可徙烏
古里石壘部令及春耕作尚書省奏吾都統部體土胡魯
雅里密斯請入獻許之庚戌詔諸大臣家應請功臣號者
旣不許其子孫自陳吏部考功郎其詳考其勞績當賜號
者即以聞壬子上謂宰臣曰宗室中年高者往往未有官
稱其先皆有功於國朕欲稍加以官使有名位可稱如何
對曰親親報功先王之令則丁巳詔朝官嫁娶給假三日

不須申告壬戌詔宰臣海陵時大臣無辜被戮家屬籍沒者並釋爲良遼豫王宋天水郡王被害子孫各葬於唐寧河南舊塋其後復詔天水郡王親屬於都址安葬外咸平所寄骨殖官爲葬於本處遼豫王親屬未入本塋者亦遷祔之三月辛丑朔宋高麗夏遣使來賀辛亥詔免河北山東陝西河東西京遼東等十路去年被旱蝗租稅賑東京婆速曷速館三路乙丑尚書省奏三路之粟不能周給上曰朕嘗語卿等遇豐年即廣糴以備凶歉卿等皆言天下倉廩盈溢今欲賑濟乃云不給自古帝王皆以蓄積爲國家長計朕之積粟豈欲獨用之耶今既不給可於隣道取

之以濟自今預備當田以爲常四月甲戌制世襲猛安謀克若出仕者雖年未及六十欲令子孫襲者聽戊寅諭宰臣曰郡縣之官雖以罪解一二歲後亦須再用猛安謀克皆太祖創業之際於國勤勞有功之人其世襲之官不宜以小罪奪免戊子以滕王府長史徒單烏者爲橫賜高麗使五月尚書省奏定皇家袒免以上親燕饗班次並從唐制癸卯幸姚村淀閱七品以下官及宗室子諸局承應人射柳賞有差六月己卯謂宰臣曰朕年老矣恐因一時喜怒處置有所不當卿等即當執奏毋爲面從成朕之失乙未以英王爽之子思列爲忠順軍節度副使爽入謝上曰朕

以卿疾故特任卿子所異卿因喜而愈也欲即加峻授恐
恩列年幼未閑政事汝當訓之使有善可觀更當升擢七
月壬子尚書省奏歲以羊三萬賜西北路戍兵上問如何
運致宰臣不能對上曰朕雖退朝留心政務不遑安寧卿
等勿謂細事非帝王所宜問以卿等於國家之事未嘗用
心故問之耳是月大雨河決八月己巳觀稼于近郊壬申
以監察御史體察東北路官吏輒受訟牒為不稱職答之
五十庚辰上謂宰臣曰今之在官者同僚所見事雖當理
亦以為非意謂從之則恐人謂政非已出如此者多朕甚
惡之令觀大理寺所斷雜刑有正條理不能行者別具情

見朕惟取其所長夫為人之理他人之善者從之則可謂
善矣壬午上謂宰臣曰今在下僚豈無人材但在上者不
為汲引惡其材勝已故耳丙戌上謂御史中丞統石烈璣
曰臺臣糾察吏治之能不以務去其擾民且冀其得賢也今
所至輒受訟牒聽其妄言使為政者如何則可也九月丁
酉朔日有食之辛丑封子永德為薛王以右副都點檢完
顏習尼列等為賀宋生日使癸卯以兵部郎中石抹忽土
為夏國生日使戊申秋獵庚戌歲星熒惑太白聚於尾甲
子還都十月己巳夏國進百頭帳詔却之境上癸酉有司
奏衍慶宮所畫功臣二十人惟五人有謚今考檢餘十五

人功狀擬定謚號以進詔可詔以羊十萬付烏古里石壘
部蓄收其滋息以予貧民丁丑制諸猛安父任別職子須
年二十五以上方許承襲辛巳上謂宰臣曰今在位不聞
薦賢何也昔狄仁傑起自下僚力扶唐祚使既危而安延
數百年之永仁傑雖賢非婁師德何以自薦乎癸未更護
送罪人逃亡制上謂宰臣曰近觀上封章者殊無大利害
且古之諫者既忠於國亦以求名今之諫者爲利而已如
戶部尚書曹望之濟南尹梁肅皆上書言事蓋執執政
耳其於國政竟何所補達官如此况餘人乎昔海陵南伐
太醫使祁宰極諫至戮於市此本朝以來一人而已丁亥

上命宰臣田監察御史田忠孺管上書言事今當內罷以
勵其餘十一月戊戌以南京留守徒單克寧爲平章政事
庚戌上謂宰臣曰朕常恐重斂以困吾民自今諸路差科
之煩細者亦具以聞有司奏夏國進御帳使因邊臣懇求
進入乃許之以尚書左丞石琚爲平章政事丙辰以延安
左元顏蒲刺睹等爲賀宋正旦使十二月戊辰以渤海舊
俗男女婚娶多不以禮必先攘竊以奔詔禁絕之犯者以
姦論以宿直將軍僕散懷忠爲高麗生日使己巳太白晝
見壬申以尚書右丞唐括安禮爲左丞殿前都點檢蒲察
通爲右丞上謂宰執曰朕今年已五十有五若年踰六十

雖欲有爲而莫之能矣宜及朕之康強其女直人猛安謀克及國家政事之未完與夫法令之未一者宜皆脩舉之凡所施行朕不爲怠

十八年正月丙申朔宋高麗夏遣使來賀壬寅定殺吳居周親奴婢同居卑幼輒殺奴婢及妻無罪而輒毆殺者罪庚戌脩起居注移刺傑上書言每屏人議事雖史官亦不與聞無由紀錄上以問平章政事石琚左丞唐括安禮對曰古者天子置史官於左右言動必書所以儆戒人君庶幾有所畏也庚申免中都河北河東山東河南陝西等路前年被災租稅壬戌如春水二月丙寅朔次管壯丙子次

華港己丑還宮三月乙未朔萬春節宋高麗夏遣使來賀乙巳命成邊女直人遇祭祀婚嫁節辰許自造酒丁未上謂宰執曰縣令之職最爲親民當得賢材用之邇來犯法者衆殊不聞有能者比在春水見石城王田兩縣令皆年老苟祿而已畿甸尚爾遠縣可知平章政事石琚對曰良鄉令焦旭慶都令李伯達皆能吏可任上曰審如卿言可擢用之己酉禁民間無得勅興寺觀獻州人殷小二等謀反伏誅四月己巳上謂宰臣曰朕巡幸所至必令體訪官吏臧否向玉田知主簿石抹杳乃能吏也可授本縣令己丑以太子左贊善阿不罕德甫爲橫賜高麗使五月丙午

上如金蓮川六月庚午尚書左丞相紇石烈良弼薨閏月
辛丑命賑西南西北兩招討司民及烏古里石壘部轉戶
餓七月丙子上謂宰臣曰職官始犯贓罪容有過誤至於
再犯是無改過之心自今再犯不以贓數多寡並除名八
月乙巳至自金蓮川丙辰以尚書右丞相完顏守道爲左
丞相平章政事石琚爲右丞相九月辛未以大理卿張九
思等爲賀宋生日使侍御史完顏蒲魯虎爲夏國生日使
癸酉以尚書左丞唐括安禮爲平章政事乙亥以右丞蒲
察通爲左丞參知政事移刺道爲右丞刑部尚書粘割幹
特刺爲參知政事十月庚寅朔陝州防禦使石抹斡家奴
以罪除名甲午御史中丞劉仲晦侍御史李贄坐失糾劾
大長公主事各削官一階十一月庚申朔尚書省奏擬同
知永寧軍節度使事阿可爲刺史上曰阿可年幼於事未
練授佐貳官可也平章政事唐括安禮奏曰臣等以阿可
宗室故擬是職上曰郡守係千里休戚安可不擇人而私
其親耶若以親親之恩賜與雖厚無害於政使之治郡而
非其才一境何賴焉壬申以靜難軍節度使烏延查刺等
爲賀宋正旦使丙子尚書省奏崇信縣令石安節買車材
於部民三日不償其直當削官一階解職上因言凡在官
者但當取其貪污與清白之尤者數人黜陟之則人自知

懲勸矣夫朝廷之政太寬則人不知懼太猛則小玷亦將不免於罪惟當用中典耳戊寅上責宰臣曰近問趙承元何故再任卿等言曹王嘗遣人言其才能幹敏故再任之官爵擬注雖由卿輩予奪之權當出于朕曹王之言尚從之假皇太子有所諭則其從可知矣此事因卿言始知其不知者知復幾何且卿等公受請屬可乎蓋承元前爲曹王府文學與王邸婢姦杖百五十除名而復用也丙戌以吏部尚書烏古論元忠爲御史大夫以東上閣門使左光慶爲高麗生日使十二月庚戌封孫吾都補溫國公麻達萬金源郡王承慶道國公壬子群臣奉上天金受命萬世

之實

十九年正月庚申朔宋高麗夏遣使來賀丁卯如春水二月己酉還宮乙卯免去年被水旱民田租稅三月己未朔萬春節宋高麗夏遣使來賀乙丑尚書省奏虧課院務官顏葵等六十八人各合削官一階上曰以承廕人主權沾此遼法也法弊則當更張唐宋法有可行者則行之己巳上與宰臣論史事且曰朕觀前史多溢美大抵史書載事實實不必浮辭諂諛也辛未上謂宰臣曰姦邪之臣欲有規求往往私其黨與不肯明言託以他事陽不與而陰爲之力朕觀古之姦人當國家建儲之時恐其聰明不利於

已徃徃風以陰事破壞其議惟擇昏懦者立之冀他日可
弄權爲功利也如晉武欲立其弟而姦臣沮之竟立惠帝
以致喪亂此明驗也丁丑上謂宰臣曰朕觀前代人臣將
諫於朝與父母妻子訣示以必死同列目覩其死亦不顧
身又爲之諫此盡忠於國者人所難能也已卯制糾彈之
官知有犯法而不舉者減犯人罪一等科之關親者許回
避上謂宰臣曰人多委釋老意欲邀福朕蚤年亦頗惑之
旋悟其非且上天立君使之治民若盤樂怠忽欲以僥倖
祈福難矣果能愛養下民上當天心福必報之四月己丑
朔詔賑西南路招討司所部民己酉以升祔閔宗詔中外

丁巳歲星晝見五月戊寅幸太寧宮六月戊子朔詔更定
制條七月辛未有司奏擬趙王子石古乃人從上不從謂
宰相曰兒輩尚幼若奉承太過使侈心滋大卒難節抑此
不可長諸兒每入侍當其語笑娛樂之際朕必淵默泣之
以嚴庶其知朕教戒之意使常畏慎而寡過也癸酉密州
民許通等謀反伏誅丙子太白晝見庚辰至自太寧宮八
月壬辰尚書右丞相石琚致仕戊戌以宋大觀錢當五用
丙午濟南民劉溪忠謀反伏誅九月戊午以左宣徽使蒲
察鼎壽等爲賀宋生日使太子左衛率府率裴滿胡刺爲

從謂止

夏國生日使癸亥秋獵癸未還都十月辛卯西南路招討

使哲典以賊罪伏誅辛亥制知情服內成親者雖自仍依律坐之十一月壬戌改葬昭德皇后大赦以御史中丞移刺愷等為賀宋正旦使戊辰以西上閣門使盧拱為高麗生日使壬申上如河間冬獵癸未至自河間

二十年正月甲寅朔宋高麗夏遣使來賀戊午定試令史格壬戌命歲以錢五千貫造隨朝百官節酒及冰燭藥炭視品秩給之己巳如春水丙子幸石城縣行宮丁丑以玉田縣行宮之地偏林為御林大淀灤為長春淀二月丁未還都三月癸丑朔萬春節宋高麗夏遣使來賀己未詔有犯罪被問之官雖遇赦不得復職乙丑以新定猛安謀克

詔免中都西京河北山東河東陝西路去年租稅辛巳以平章政事徒單克寧為尚書右丞相御史大夫烏古論元忠為平章政事四月丁亥定冒蔭罪賞己亥制宗室及外戚并一品命婦衣服聽用明金以西上閣門使郭喜國為橫賜高麗使大寧官火乙巳上謂宰臣曰女直官多謂朕食用太儉朕謂不然夫一食多費豈為美事况朕年高不欲屠宰物命貴為天子能自節約亦不惡也朕服御或舊常使澣濯至于破碎方始更易向時帳幕常用塗金為飾今則不爾但令足用何必事紛華也庚戌如金蓮川五月丙寅京師地震生黑白毛七月旱八月壬午秋獵九月壬

成至自金蓮川以太府監李倫等為賀宋生日使少府少
監蹇補為夏國生日使丙子蒲速梳群牧老忽謀叛伏誅
十月庚辰朔更定銓注縣令丞簿格詔西北路招討司每
進馬馳鷹鷂等輒率斂部內自今並罷之壬午上謂宰臣
曰察問細微非人君之體朕亦知之然以卿等殊不用心
故時或察問如山後之地皆為親王公主權勢之家所占
轉租於民皆由卿等之不察卿等當盡心勤事毋令朕之
煩勞也詔徙遼落河移馬河兩猛安於大名東平等路安
置戍戍上謂宰臣曰凡人在下位欲與升進勉為公廉賢
不肖何以知之及其通顯觀其施為勿見本心如招討哲

典初任定州同知繼為都司未嘗少有私徇所至皆有清
名及為招討不固守人心吟于山川誠難知也壬寅上謂
宰臣曰近覽資治通鑑編次累代廢興甚有鑒戒司馬光
用心如此古之良史無以加也校書郎毛麾朕屢問以事
善於應對真該博老儒可除太常職事以備討論甲辰以
殿前都點檢襄為御史大夫十一月丁巳尚書右丞移刺
道罷乙丑以真定尹徒單守素等為賀宋正旦使癸酉以
御史大夫襄為尚書右丞乙亥上諭宰臣曰郡守選人資
考雖未及廉能者則升用之以勵其餘以太常少卿任個
為高麗生日使十二月辛巳上謂宰臣曰岐國用人但一

言合意便并用之一言之失便責罰之凡人言辭一得一失賢者不免自古用人咸試以事若止以奏對之間安能知人賢否朕之取人衆所與者用之不以獨見爲是也已
亥河決衛州辛丑獵于近郊癸卯特授襲封衍聖公孔捲
兗州曲阜令封爵如故大夫十一月十七日尚書

本紀第七

本紀第八

金史八

元開府儀同三司上柱國前中書右丞相監修國史
都總裁臣脫脫修

世宗下

二十一年正月戊申朔宋高麗夏遣使來賀壬子以夏國
請詔復綏德軍摧場仍許就館市易上聞山東大名等路
猛安謀克之民驕縱奢侈不事耕稼詔遣閔實計口授地
必令自耕地有餘而力不贍者方許招人租佃仍禁農時
飲酒丙辰追貶海陵煬王亮爲庶人詔中外甲子如春水
丙子次永清縣有移刺余里也者契丹人也隸虞王猛安

有一妻一妾妻之子六妾之子四妻死其六子廬墓下更宿守之妾之子皆曰是嫡母也我輩獨不當守墳墓乎於是亦更宿焉三歲如一上因獵過而聞之賜錢伍百貫仍令縣官積錢於市以示縣民然後給之以爲孝子之勸二月戊戌太白晝見庚子遷都壬寅以河南尹張景仁爲御史大夫乙巳以元妃李氏之喪致祭興德宮過市肆不聞樂聲謂宰臣曰豈以妃故禁之耶細民日作而食若禁之是廢其生計也其勿禁朕前將詣興德宮有司請由薊門朕恐妨市民生業特從他道顧見街衢門肆或有毀撤障以簾箔何必爾也自今勿復毀撤三月丁未朔萬春節宋

高麗夏遣使來賀上初聞薊平灤等州民乏食命有司發粟糶之貧不能糶者貸之有司以貸貧民恐不能償止貸有戶籍者上至長春宮聞之更遣人閱實賑貸以監察御史石抹元禮鄭達卿不糾舉各笞四十前所遣官皆論罪甲子太白晝見乙丑詔山後冒占官地十頃以上者皆籍入官均給貧民遼州民宋忠等亂言伏誅上謂宰臣曰近聞宗州節度使阿思憲行事多不法通州刺史完顏守能既與招討職事猶不守廉達官貴要多行非理監察未嘗舉劾幹觀只群牧副使僕散那也取部人二毬杖至細事也乃便劾奏謂之稱職可乎今監察職事修舉者與遷擢

不稱者大則降罰小則決責仍不許去官閏月己卯恩州
民鄒明等亂言伏誅辛卯漁陽令夾谷移里罕司候判官
劉居漸以被命賑貸止給富戶各削三官通州刺史郭邦
傑總其事奪俸三月乙未上謂宰臣曰朕觀自古人君多
進用讒諂其間蒙蔽爲害非細若漢明帝尚爲此董感之
朕雖不及古之明君然近習讒言未嘗入耳至於宰輔之
臣亦未嘗偏用一人私議也癸卯以尚書左丞相完顏守
道爲太尉尚書令尚書左丞蒲察通爲平章政事右丞襄
爲左丞叅知政事張汝弼爲右丞彰德軍節度使梁肅爲
參知政事四月戊申以右丞相徒單克寧爲左丞相平章

政事唐括安禮爲右丞相增築泰州臨潢府等路邊堡及
屋宇庚戌奉安昭祖以下三祖三宗御容於衍慶宮行親
祀禮上諭宰臣曰朕之言行豈能無過常欲人直諫而無
肯言者使其言果善朕從而行之又何難也戊辰以滕王
府長史把德固爲橫賜夏國使壬申幸壽安宮五月戊子
西北路招討使完顏守能以賊罪杖一百除名七月丙戌
遷都丁酉樞密使趙王永中罷己亥以左丞相徒單克寧
爲樞密使辛丑以太尉尚書令完顏守道復爲左丞相太
尉如故八月乙丑以右副都點檢胡什賚等爲賀宋生日
使吏部郎中奚胡失海爲夏國生日使

二十二年三月辛未朔萬春節宋高麗夏遣使來賀丁丑命
尚書省申勅西北路招討司勒猛安謀克官督部人習武備甲
申諭戶部今歲行幸山後所須並不得取之民間雖所用人
夫並以官錢和雇違者杖八十罷職癸巳詔頒重修制條
以吏部尚書張汝霖爲御史大夫四月乙卯行監臨院務
官食直法以削明肅尊號詔中外從皇太子請也甲子上
如金蓮川五月甲申太白晝見六月庚子朔制立限放良
人奴限內娶良人爲妻所生男女卽爲良丁巳右丞相致
仕石琚薨七月辛巳宰臣奏事上頗違豫宰臣請退上曰
豈以朕之微爽於和而倦臨朝之大政耶使終其奏甲午

秋獵八月戊辰太白經天九月戊寅至自金蓮川以左衛
將軍禪赤等爲賀宋生日使尚輦局使僕監曷速罕爲夏
國生日使己丑以同知東京留守司事裔在任專恣失上
下之分謫授復州刺史乙未壽州刺史訛里也同知杏刺
軍事判官孫紹先擁場副使韓仲英等以受商賂縱禁物
出界皆處死十月辛丑徙河間宗室于平州庚戌裕享于
太廟十一月丙子以吏部尚書李木魯阿魯罕等爲賀宋
正旦使東京留守徒單貞以與海陵逆謀伏誅妻永平縣
主子慎思並賜死甲申以宿直將軍僕散忠佐爲高麗生
日使玉田縣令移刺查坐贓伏誅戊子冬獵十二月庚子

還都癸丑獵近郊辛酉立強取諸部羊馬法十二月庚子
二十三年正月丁卯朔宋高麗夏遣使來賀庚午詔有司
但獲強盜迹狀既明賞隨給之勿得更待丁丑叅知政事
梁肅致仕辛巳廣樂園燈山火壬午如春水詔夾道三十
里內被役之民與免今年租稅仍給傭直甲午大邦基伏
誅二月乙巳還都戊申以尚書右丞張汝弼攝太尉致祭
于至聖文宣王廟庚戌以戶部尚書張仲愈爲叅知政事
御史臺進所察州縣官罪上覽之曰卿等所廉皆細碎事
又止錄其惡而不舉其善審如是其爲官者不亦難乎其
併察善惡以聞三月丙寅朔萬春節宋高麗夏遣使來賀

丙子初製官命之寶金玉各一尚書右丞相烏古論元忠
罷潞州涉縣人陳圓亂言伏誅乙酉雨土丙戌詔戒諭中
外百官辛丑更定奉使二國人從差遺格祁州刺史大盤
坐無罪掠死染工妾認良人二十五口爲奴削官四階罷
之癸丑地生白毛以大理正紇石烈木列速爲橫賜高麗
使壬戌幸壽安宮勅有司爲民禱雨是夕雨五月庚午縣
令大雛訛口等十人以不任職罷歸六十以上者進官兩
階六十以下者進官一階並給羊俸甲戌命應部除官嘗
以罪罷而再叙者遣使按其治迹如有善狀方許授以縣
令無治狀者不以任數多少並不得授丁亥雷雨雹地生

白毛六月壬子有司奏右司郎中段珪卒上曰是人甚明
正可用者也如知登聞檢院巨構每事但委順而已燕人
自古忠直者鮮遼兵至則從遼宋人至則從宋本朝至則
從本朝其俗詭隨有自來矣雖屢經遷變而未嘗殘破者
凡以此也南人勁挺敢言直諫者多前有二人見殺後復
一人諫之甚可尚也又曰昨夕苦暑朕通宵不寐因念小
民比屋卑隘何以安處七月乙酉平章政事移刺道參知
政事張仲愈皆罷御史大夫張汝霖坐失糾舉降授棣州
防禦使八月乙未觀稼于東郊以女直字孝經千部付點
檢司分賜護衛親軍笑卯還都乙巳大名府猛安人馬和

尚謀叛伏誅括定猛安謀克戶口田土牛具以戶部尚書
程輝為參知政事九月己巳以同僉太宗正事方等為賀
宋生日使宿直將軍完顏斜里虎為夏國生日使譯經所
進所譯易書論語孟子老子楊子文中子劉子及新唐書
上謂宰臣曰朕所以令譯五經者正欲女直人知仁義道
德所在耳命頒行之辛未秋獵十月癸巳還都庚戌幸東
宮賜皇孫吾都補洗兒禮己未慶雲見辛酉太白晝見十
一月壬戌朔日有食之丙寅平章政事蒲察通罷丁卯歲
星書見壬申以樞密副使崇尹為平章政事閏月甲午上
謂宰臣曰帝王之政固以寬慈為德然如梁武帝專務寬

慈以至綱紀大壞朕嘗思之賞罰不濫即是寬政也餘復何爲以尚書左丞襄爲平章政事右丞張汝弼爲左丞參知政事粘割幹特刺爲右丞禮部尚書張汝霖爲參知政事以西京留守婆盧大等爲賀宋正日使制外任官嘗爲宰執者凡吏牘上省部依親王例免書名戊午歲星書見上謂宰臣曰女直進士可依漢兒進士補省令史夫儒者操行清潔非禮不行以吏出身者自幼爲吏習其貪墨至於爲官習性不能遷改政道興廢實由於此庚申尚書省左司員外郎徐偉奏事上謂宰臣曰斯人純而幹右司郎中郭邦傑直而頗躁十二月癸酉上謂宰臣曰海陵自以

不道恐上京宗室起而圖之故不問踈近並徙之南豈非以漢光武宋康王之踈庶得繼大統故有是心過慮若此何其謬也乙酉高麗以母喪來告丁亥以真定尹烏古論元忠復爲尚書右丞相

二十四年正月辛卯朔宋夏遣使來賀徐州進芝草十有八莖真定進嘉禾二本六莖異畝同穎戊戌如長春宮春水二月壬申還都癸酉上曰朕將往上京念本朝風俗重端午節比及端午到上京則燕勞鄉閭宗室父老甲戌制一品職事官庶孽子承廕更不引見丙戌以東上閣門使完顏進兒等爲高麗勅祭使西上閣門使大仲尹爲慰問

使虞王府長史永明為起復使以器物局使向為橫賜夏國使三月庚寅朔萬春節宋夏遣使來賀甲午以上將如上京尚書省奏定皇太子守國諸儀丙申尚書省進皇太子守國寶上召皇太子授之且諭之曰上京祖宗興王之

地欲與諸王一到或留三二年以汝守國譬之農家種田商人營財但能不墜父業即為克家子况社稷任重尤宜畏慎常時觀汝甚謹今日能紓朕憂乃見中心孝也皇太子再三辭讓以不諳政務乞備扈從上曰政事無甚難但用心公正毋納讒邪久之自執皇太子流涕左右皆為之感動皇太子乃受寶丁酉如山陵己亥還都壬寅如上京

皇太子允恭守國癸卯宰執以下奉辭于通州上謂宰執曰卿輩皆故老皇太子守國置悉心輔之以副朕意又謂樞密使徒單克寧曰朕巡少復之後脫或有事卿必親之毋忽細微大難圖也又顧六部官曰朕聞省部文字多以小不合而駁之苟求自便致累歲不能結絕朕甚惡之自今可行則行可罷則罷毋使在下有滯留之歎時諸王皆從以趙王永中留輔太子四月己未朔太白書見咸平尹移刺道薨庚申次廣寧府丙寅次東京丁卯朝謁孝寧宮給復東京百里內夏秋稅租一年在城隨關年七十者補一官曲赦百里內犯徒二年以下罪乙酉觀漁于混同江五

月己丑至上京居于光興宮庚寅朝謁于慶元宮戊戌宴于皇武殿上謂宗戚曰朕思故鄉積有日矣今既至此可極歡飲君臣同之賜諸王妃主宰執百官命婦各有羞宗戚皆霑醉起舞竟日乃罷六月辛酉幸按出虎水臨漪亭壬戌閱馬于綠野淀七月己未上謂宰臣曰天子巡狩當舉善罰惡凡士民之孝弟端睦者舉而用之其不顧廉耻無行之人則教戒之不悛者則加懲罰丙午獵于勃野淀乙卯上謂宰臣曰今時之人有罪不問既過之後則謂不知有罪必責則謂每事尋罪風俗之薄如此不以文德感之安能復于古也卿等以德輔佐當使復還古風八月癸亥以太府監張大節等為賀宋生日使侍御史選里特末哥為夏國生日使乙亥詔免上京今年市稅九月甲辰歲星晝見十月丁卯獵于近郊十一月辛卯還宮甲午詔以上京天寒地遠宋正生日生口古回麗夏國生日並不須遣使令有司報諭丙午尚書省奏從速頻胡里改三猛安二十四謀克以實上京十二月丙辰獵于近郊己卯還宮二十五年正月乙酉朔丁亥宴妃嬪親王公主文武從官于光德殿宗室宗婦及五品以上命婦與坐者千七百餘人賞賚有差二月癸酉以東平尹烏古論思列怨望殺之丁丑如春水四月己未至白春水癸亥幸皇武殿擊毬許

士民縱觀甲子詔於速頻胡里改兩路猛安下選三千謀
克爲三猛安移置于率督野窟之地以實上京壬申曲赦
會寧府仍免今年租稅百姓年七十以上者補一官甲
戌以會寧府官一人兼大中正丞以治宗室之政上謂群
臣曰上京風物朕自樂之每奏還都輒用感愴祖宗舊邦
不忍捨去萬歲之後當置朕於太祖之側卿等無忘朕言
丁丑宴宗室宗婦于皇武殿大功親賜官三階小功二階
總麻一階年高屬近者加官武將軍及封宗女賜銀絹各
有差曰朕尋常不飲酒今日甚欲成醉此樂亦不易得也
宗室婦女及羣臣故老以次起舞進酒上曰吾來數月未

有一人歌本曲者吾爲汝等歌之命宗室子弟叙坐殿下
者皆坐殿上聽上自歌其詞道王業之艱難及繼述之不
易至慨想祖宗宛然如睹慷慨悲激不能成聲歌畢泣下
右丞相元忠率群臣宗戚捧觴上壽皆稱萬歲於是諸夫
人更歌本曲如私家之會既醉上復續調至一鼓乃罷已
卯發上京庚辰宗室戚屬奉辭上曰朕又思故鄉甚欲留
一二歲京師天下根本不能久於此也太平歲久國無征
徭汝等皆奢縱徃往貧乏朕甚憐之當務儉約無忘祖先
艱難因泣數行下宗室戚屬皆感泣而退五月庚寅平章
政事襄奉御平山等射懷孕兔上怒校平山三十召襄誠

勸之遂下詔禁射兔壬寅次天平山好水水川癸卯遣使臨
潢泰州勸農丙午命尚書省奏事衣窄紫六月甲寅獵近
山見田壠不治命答田者庚申皇太子允恭薨丙寅尚書
右丞相烏古論元忠罷庚午遣左官徵使唐括鼎詣京師
致祭皇太子戊寅命皇太子妃及諸皇孫執喪並用漢儀
七月戊申發好水川九月辛巳朔次轄沙河賜百歲老嫗
帛甲申次遼水召見百二十歲女直老人能道太祖開創
事上嘉歎賜食并賜帛乙酉至自上京是日上臨奠官孝
皇太子于熙春園十日丙辰尚書省奏親軍數多宜稍減
損詔定額為二千宰臣退上謂左右曰宰相年老艱于久

立可道小榻廊下使少休息甲子禁上京等路大宰
貽時採捕上謂宰臣曰護衛年老出職而授臨民手字尚
不能書何以治民人曾中明暗外不能知精神昏耄已見
於外是強其所不能也天子以兆民為子不能家家而撫
在用人而已知其不能而強授之百姓其謂我何丁丑命
學士院諫院秘書監司天臺著作局閣門通進拱衛直武
器署等官凡直宮中午前許退十一月庚辰朔詔曰豺未
祭獸不許採捕冬月雪尺以上不許用網及速撒海恐盡
獸類歲星書見壬午太白書見甲午以臨潢尹僕散守中
等為質宋止曰使丙申夏國遣使問起居戊戌以曹王永

功爲御史大夫壬寅以禮部員外郎移刺履爲高麗生日
使十二月戊午以皇孫金源郡王麻達葛判大興尹進封
原王甲子太白晝見經天丙寅左丞相完顏守道左丞張
汝弼右丞粘割幹特刺參知政事張汝霖坐擅增東宮諸
皇孫食料各削官一階甲戌制增留守統軍總管招討都
轉運府尹轉運節度使月俸上謂宰臣曰太尉守道論事
止務從寬犯罪罷職者多欲復用若懲其首惡後來知畏
罪而復用何以示戒是日命範銅爲禮信之寶凡賜外方
禮物給信袋則用之丙子上問宰臣曰原王大興行事如
何右丞幹特刺對曰聞都人皆稱之上曰朕今察于民間

咸信見事甚明子奪皆不失當曹邈二王弗能及也又聞
有女直人訴事以女直語問之漢人訴事漢語問之大抵
習本朝語爲善不習則淳風將蕪汝弼對曰不忘本者聖
人之道也幹特刺曰以西夏小邦崇尚舊俗猶能保國數
百年上曰事當任實一事有僞則喪百善其故凡事莫如真
實也

二十六年正月庚辰朔宋高麗夏遣使來賀甲辰如長春
宮春水二月癸酉還都乙亥詔曰每季求仕人問以疑難
令剖決之其才識可取者仍訪察政迹如其言行相副即
加陞用三月己卯朔萬春節宋高麗夏遣使來賀丁亥以

大理卿闕上問誰可右丞粘割幹特刺言前吏部尚書唐
括貢可乃授以是職已丑尚書省擬奏除授上曰卿等在
省未嘗薦士止限資級安能得人古有布衣入相者聞東
亦多用山東河南流寓疏遠之人皆不拘於貴近也以本
朝境土之大豈無其人朕難徧知卿又不舉自古豈有終
身為相者外官三品以上必有可用之人但無故得進耳
左丞張汝弼曰下位雖有才能必試之乃見參政程輝曰
外官雖有聲一旦入朝却不稱任亦在沙汰而已癸巳香
山寺成幸其寺賜名大永安給田二千畝粟七千石錢二
萬貫丁酉以親軍完顏乙奴言制置安謀克皆先讀女直

字經史然後承襲因曰但令稍通古今則不肖為非前
紀軍倉人乃能言此審其有益何憚而不從四月壬子尚
書省奏定院務監官虧兌陪納法及橫班格因曰朕常日
御膳亦從減省嘗有一公主至至無餘膳可與當直官皆
目睹之若欲豐腆雖日用五十羊亦不難矣然皆民之脂
膏不忍為也監臨官惟知利己不知其利自何而來朕嘗
歷外任稔知民間之事想前代之君雖享富貴不知稼穡
艱難者甚多其失天下皆由此也遼主聞民間乏食謂何
不食乾腊蓋幼失師保之訓及其即位故不知民間疾苦
也隋煬帝時楊素專權行事乃不愼委任之過也與正人

同處所知必正道所聞必正言不可不慎也今原王府宮屬當選純謹秉性正直者充勿用有權術之人戊午尚書左丞張汝弼罷己未幸永安宮壬戌太尉左丞相完顏守道致仕以客省使李磐爲橫賜高麗使尚書省奏北京轉運使以職除名尚書省奏事上曰比有上書言職官犯除名不可復用朕謂此言極當如軍期急速權可使用今天下無事復用此輩何以戒將來又奏年前以諸路水旱於軍民地上二十一萬餘頃內擬免稅四十九萬餘石從之詔曰今之稅考古行之但遇災傷常加蠲免五月甲申以司徒樞密使徒單克寧爲太尉尚書左丞相判大宗正事

趙王永中復爲樞密使大興戶原王麻達葛爲尚書右丞相賜名璟參知政事程輝致仕戊子雷溝決於上陽村湍流成河遂因之庚寅御史大夫曹王永功罷以翊王永成爲御史大夫戊戌以尚書右丞粘割幹持刺爲左丞參知政事張汝霖爲右丞六月癸亥尚書省奏速頗胡里改世襲謀克事上曰其人皆勇悍昔世祖與之隣苦戰累年豈能克復其後乍服乍叛至穆康時始服聲教近世亦嘗分徙朕欲稍遷其民上京實國家長久之計己巳上謂宰執曰齊桓中庸主也得一管仲遂成霸業朕夙夜以思惟恐失人朕既不知卿等又不薦必俟全才而後舉蓋亦難矣

同處所知必正道所聞必正言不可不慎也今原王府宮屬當選純謹秉性正直者充勿用有權術之人戊午尚書左丞張汝弼罷己未幸永安宮壬戌太尉左丞相完顏守道致仕以客省使李磐爲橫賜高麗使尚書省奏北京轉運使以贓除名尚書省奏事上曰比有上書言職官犯除

率百起

復用朕謂此言極當如軍期急速權可使用今天下無事復用此輩何以戒將來又奏年前以諸路水旱於軍民地上二十一萬餘頃內擬免稅四十九萬餘石從之詔曰今之稅考古行之但遇災傷常加蠲免五月甲申以司徒樞密使徒單克寧爲太尉尚書左丞相判大宗正事

趙王永中復爲樞密使大興戶原王麻達葛爲尚書右丞相賜名璟參知政事程輝致仕戊子雷溝決於上陽村湍流成河遂因之庚寅御史大夫曹王永功罷以翊王永成爲御史大夫戊戌以尚書右丞粘割幹持刺爲左丞參知政事張汝霖爲右丞六月癸亥尚書省奏速頗胡里改世襲謀克事上曰其人皆勇悍昔世祖與之隣昔戰累年豈能克復其後乍服乍叛至穆康時始服聲教近世亦豈分徙朕欲稍遷其民上京實國家長久之計己巳上謂宰執曰齊桓中庸主也得一管仲遂成霸業朕夙夜以思惟恐失人朕既不知卿等又不薦必俟全才而後舉蓋亦難矣

如舉其人長於某事朕亦量材用之朕與卿等俱老矣天下至大豈得無人薦舉人材當今急務也又言人之有翰能固不易得然若德行之士最優也上謂右丞相原玉曰爾嘗讀太祖實錄乎太祖征麻產襲之至泥埠馬不能進太祖捨馬而步歡都射中麻產遂擒之創業之難如此可不思乎甲戌詔曰凡陳言文字詣登聞檢院送學士院聞奏毋經省廷七月壬午詔給內外職事宜兼職俸錢丙申御史中丞馬惠迪爲參知政事庚子上聞司知中都路都轉運使事趙臆瑞其在職應錢穀利害文字多不題署但思安身降授積石州刺史閏月己未還都八月丁丑上

謂宰臣曰親軍雖不識字亦令依例出職若涉賄必痛繩之太尉左丞相克寧曰依法則可上曰朕於女直人未嘗不知優恤然涉於贓罪雖朕子弟亦不能恕太尉之意欲姑息女直人耳戊寅尚書省奏河決衛州壞命戶部侍郎王霖都水少監王汝嘉徙衛州胙城縣丁亥尚書省奏遣吏部侍郎李晏等二十六人分路推排諸路物力從之己丑以宿直將軍李達可爲夏國生日使辛卯以益都尹崇洪等爲賀宋生日使甲午秋獵九月庚子次薊州辛丑幸山洞寺壬寅幸香林淨名二寺九月甲辰朔幸盤山上方寺因徧歷中盤天香感化諸寺庚申還都丙寅上謂宰

臣曰烏底改叛亡已遣人討之可益以甲士毀其船棧參
知政事馬重通曰得其人不可用有其地不可居恐不足
勞聖慮上曰朕亦知此類無用所以毀其船棧欲不使再
遠境耳十月戊寅定職官犯贓同職相糾察法重宣止
言望臣曰西南西北兩路招討司地隘猛安人戶無處圍
獵不能開習騎射委各猛安謀克官依時教練其弛慢過
期及不親監視並決罰之甲午詔增河防軍數戊戌寧昌
軍節度使宗肅行軍都統忠道以討烏底改不待克敵而
還宗肅杖七十削官一階忠道杖八十削官三階十一月
庚朔元閣宗陵廟薦享禮上謂宰臣曰女直人中材傑

之士朕少有識者蓋亦難得也新進士如徒單鑑夾古河
里補尼虎古鑑輩皆可用之材也起身刀筆者雖有力可
用其廉介之節終不及進士今五品以上闕員甚多必資
級相當至老有不能得者况欲至卿相乎古來宰相率不
過三五年而退罕有二三十年者卿等特不舉人甚非朕
意上顧修起居注宗璧曰斯人孱弱付之以事未必能辦
以其謹厚長者故置諸左右欲諸官効其爲人也辛亥以
刑部尚書移刺子元等爲賀宋正日使戊午以左警巡副
使鶻沙通斂善斷羅殿中侍御史兼右三部司正庚申立
右丞相原王璟爲皇太孫甲子上謂宰臣曰朕聞宋軍自

來教習不輟今我軍專務游惰卿等勿謂天下既安而無
豫防之心一旦有警軍不可用顧不敗事耶其令以時訓
練丙寅上謂侍臣曰唐太子承乾所爲多非度太宗縱而
弗檢遂至於廢如早爲禁止當不至是朕於聖經不能深
解至於史傳開卷輒有所益每見善人不忘忠孝檢身廉
潔皆出天性至於常人多喜爲非有天下者苟無以懲之
何由致治孔子爲政七日而誅少正卯聖人尚爾况餘人
乎戊辰上謂宰臣曰朕雖年老聞善不厭孔子云見善如
不及見不善如探湯大哉言乎右丞張汝弼對曰知之非
難行之惟艱以拱衛直副都指揮使韓景懋爲高麗生日

使以近侍局直長尼厓

古鑑純直通敏擢皇太孫侍承已

已獵近郊庚午上謂宰臣曰朕方前古明君固不可及至

於不納近臣讒言不受戚里私謁亦無愧矣朕嘗自思豈

能無過所患過而不改過而能改庶幾無咎省朕之過頗

喜興土木之工自今不復作矣十二月甲申上退朝御香

閣左諫議大夫黃文約言遞送荔支非是上諭之曰朕不

知也今令罷之丙戌上謂宰臣曰有司奉上惟沾辦事之

名不問利害如何朕嘗欲得新荔支兵部遂於道路特設

鋪遞比因諫官黃文約言朕方知之夫爲人無識一旦臨

事便至顛沛宮中事無大小朕常親覽者以不得人故也

如使得人寧復他慮丁亥上謂宰臣曰朕年來惟以省約
爲務常膳止四五味已厭飲之比初即位十減七八宰臣
曰天子自有制不同餘人上曰天子亦人耳枉費安用丙
申上謂宰臣曰比聞河水泛溢民罹其害者皆產皆空今
復遣官於彼推排何耶右丞張汝霖曰今推排皆非被災
之處上曰必隣道也既隣水而居豈無驚擾遷避者乎計
其貨產豈有餘哉尚何推排爲又曰平時用人宜尚平直
至於軍職當用權謀使人不易測可以集事唐太宗自少
年能用兵其後雖居帝位猶不能改叱瘡筋鬚髯權謀也
二十七年正月癸卯朔宋高麗夏遣使來賀己酉以襄旅

令趙渢爲應奉翰林文字渢入謝上問宰臣曰此党懷英
所薦耶對曰諫議黃父約亦嘗薦之上曰學士院比舊殊
無人材何也右丞張汝霖曰人材須作養若令久任練習
自可得人庚戌如長春宮春水二月乙亥還都已卯改閔
宗廟號曰熙宗癸未命曲陽縣置錢監賜名利通乙酉上
謂宰執曰朕自即位以來言事者雖有狂妄未嘗罪之卿
等未嘗肯盡言何也當言而不言是相疑也君臣無疑則
謂之嘉會事有利害可竭誠言之朕見緘默不言之人不
欲觀之矣丁亥命沿河京府州縣長貳官並帶管勾河防
事己丑諭宰執曰近侍局官須選忠直練達之人用之朕

雖不聽讒言使佞人在側將恐漸漬聽從之矣上謂宰執曰朕聞寶坻尉蒙括特末也清廉其爲政何如左丞幹特刺對曰其部民亦稱譽之然不知所稱何事上曰凡爲官但得清廉亦可矣安得全才之人可進官一階并爲令又言朕時或體中不佳未嘗不視朝諸王百官但有微疾便不治事自今宜戒之丙申命罪人在禁有疾聽親屬入視三月癸卯朔萬春節宋高麗夏遣使來賀辛亥皇太孫受冊赦乙卯尚書省言孟家山金口閘下視都城百四十餘尺恐暴水爲害請閉之從之上謂大臣曰十室之邑必有忠信今天下之廣人民之衆豈得無人唐之顏真卿段秀

實此言節義之臣也終不升用亦當時大臣固蔽而不舉也卿等當不私親故而不舉忠正之人朕將用之又言國初風俗淳儉居家惟衣布衣非大會賓客未嘗輒烹羊豕朕嘗念當時節儉之風不欲妄費凡宮中之官與賜之食者皆有常數四月丙戌以刑部尚書崇浩爲參知政事丙申上如金蓮川辛丑京師地震五月壬子詔罷曷懶路所進海葱及太府監日進時果白葱果應用幾何徒勞人耳惟上林諸果三日一進庚午以所進御膳味不調適有旨問之尚食局直長言臣聞老母病劇私心憤亂如喪魂魄以此有失嘗視臣罪萬死上嘉其孝即令還家侍疾俟平愈

乃來六月戊寅免中都河北等路嘗被河決水災軍民租稅庚辰太白晝見七月丙午太白晝見經天壬子秋獵八月丙戌次雙山子九月己亥朔還都已酉上謂宰臣曰朕今歲春水所過州縣其小官多幹事蓋朕前嘗有賞擢故皆勉力以此見專任責罰不如用賞之有激勸也以河中尹田彥皐等為賀宋生日使武器署令斜卯阿土為夏國生日使十月乙亥宋前主構殂庚辰拾享于太廟庚寅上謂宰臣曰朕觀唐史惟魏徵善諫所言皆國家大事其得諫臣之體近時臺諫惟指摘一二細碎事始以塞責未嘗有及國家大利害者豈知而不言歟無乃亦不知也宰臣

十一月庚戌以左副都點檢崇安為賀宋生日使

甲寅詔河水泛溢農夫被災者與免差稅一年衛懷孟鄆四州塞河勞役并免今年差稅庚申平章政事崇尹致仕甲子上謂宰臣曰卿等老矣殊無可以自代者乎必待朕知而後進乎顧右丞張汝霖曰若右丞相者亦右丞相所言也平章政事襄及汝霖對曰臣等苟有所知豈敢不言但無人耳上曰春秋諸國分裂土地褊小皆稱有賢卿等不舉而已今朕自勉庶幾致治他日子孫誰與共治者乎宰臣皆有慚色十二月庚午以翰林待制趙可為高麗生日使丁丑獵于近郊壬午宋遣使告哀甲申上諭宰臣曰人

甲寅止

皆以奉道崇佛設齋讀經爲福朕使百姓無冤天下安樂
不勝於彼乎爾等居輔相之任誠能匡益國家使百姓蒙
利不惟身享其報亦將施及子孫矣左丞相特刺曰臣等
敢不盡心第才不逮不能稱職耳上曰人亦安能每事盡
善但加勉勵可也戊子禁女直人不得改稱漢姓學南人
衣裝犯者抵罪

二十八年正月丁酉朔宋高麗夏遣使來賀癸卯遣宣徽
使蒲察克忠爲宋弔祭使甲辰如春水二月乙亥還都已
丑宋遣使獻先帝遺留物癸巳宋使朝辭以所獻禮物中
玉器五玻璃器二十及弓劍之屬使還遺宋曰此皆爾國

前主珍玩之物所宜寶藏以無忘追慕今受之義有不忍
歸告爾主使知朕意也三月丁酉朔萬春節宋高麗夏遣
使來賀御慶和殿愛羣臣朝復宴于神龍殿諸王公主以
次捧觴上壽上驩甚以本國音曰度曲蓋言臨御又春秋
高渺然思國家基緒之重萬世無窮之託以戒皇太孫當
修身養德善于持守及命太尉左丞相克寧盡忠輔導之
意於是上自歌之皇太孫及克寧和之極驩而罷戊申命
隨朝六品外路五品以職事官舉進士已在仕才可居翰
苑者試制詔等文字三道取文理優贍者補充學士院職
任應赴部求仕人老病昏昧者勒令致仕止給半俸更不

甲申起

遷官甲寅幸壽安宮四月癸酉命增外任小官及繁難局
分承應人俸丁丑以陝西路統軍使李木魯阿魯罕爲參
知政事癸未命建女直大學五月丙午制諸教授必以宿
儒高才者充給俸與永寧等戊申來使來謝弔祭七月辛
亥尚書左丞粘割幹特別罷八月甲子朔日有食之辛未
遷都庚辰上謂宰臣曰近聞烏底改有不順服之意若遣
使責問彼或抵捍不遜則邊境生事有不可已者朕嘗思
之招徠遠人於國家殊無所益彼來則聽之不來則勿強
其來此前世羈縻之具策也參知政事李木魯阿魯罕罷
壬午以山東路統軍使完顏晏盧火爲參知政事甲申上
謂宰臣曰用人之道當自其壯年心力精強時用之若
以資格則往往至於耄老此不思之甚也阿魯罕使其早
用朝廷必得補助之力惜其已衰老矣凡有可用之材汝
等宜早思之九月甲午朔以鷹房使崇夔爲夏國生日使
安武軍節度使王克溫等爲賀宋生日使己亥秋獵乙卯
遷都十月乙丑京府及節度州增置流泉務凡二十八所
禁糠禪瓢禪其停止之家抵罪乙酉尚書省奏擬除授而
拘以資格上曰日月資考所以待庸常之人若才行過人
豈可拘以常例國家事務皆須得人汝等不能隨才委使
所以事多不治朕固不知用人之術汝等但務循省守格

不思進用才能豈以才能見用將奪己之祿位乎不然是無知人之明也羣臣皆曰臣等豈敢蔽賢才識不逮耳上顧謂右丞張汝霖曰前世忠言之臣何多今日何少也汝霖對曰世亂則忠言進承平則忠言無所施上曰何代無可言之事但古人知無不言今人不肯言耳汝霖不能對十一月戊戌以改葬熙陵詔中外上謂侍臣曰凡修身者喜怒不可太極怒極則心勞喜極則氣散得中甚難是故節其喜怒以思安身今宮中一歲未嘗責罰人也庚子太白晝見詔南京大名府等處避水逃移不能復業者官與津濟錢仍量地頃畝給以耕牛甲辰以河中尹田彥皐等爲質宋正旦使戊申上謂宰臣曰制條以拘於舊律間有難解之辭夫法律歷代損益而爲之彼智慮不及而有乖違本意者若行刪正令衆易曉有何不可宜修之務令明白有司奏重修上京御容殿上謂宰臣曰宮殿制度苟務華飾必不堅固今仁政殿遼時所建全無華飾但見它處歲歲修完惟此殿如舊以此見虛華無實者不能經久也今土木之工滅裂尤甚下則吏與工匠相結爲姦侵剋工物上則戶工部官支錢度材惟務苟辦至有工役纔畢隨即欲滿者姦弊苟且勞民費財莫甚於此自今體究重抵以罪庚戌上謂宰臣曰朕近讀漢書見光武所爲人有所

難能者更始既害其兄伯升當亂離之際不思報怨事更始如平日人不見戚容豈非人所難能乎此其度量蓋將大有爲者也其他庸主豈可及哉右丞張汝霖曰湖陽公主奴殺人匿主車中洛陽令董宣從車中曳奴下殺之主入奏光武欲殺宣及聞宣言意遂解使宣謝主宣不奉詔主以言激怒光武光武但笑而已更賜宣錢三十萬上曰光武聞直言而怒解可謂賢主矣令宣謝主則非也高祖英雄大度駕馭豪傑起自布衣數年而成帝業非光武所及也所及止猶有布衣籠豪之氣光武所不爲也癸丑辛太尉克寧第十二月丙寅以太理正移刺彥拱爲高麗

使乙亥上不豫庚辰赦天下乙酉詔皇太孫璟攝政居慶和殿東廡丙戌以太尉左丞相徒單克寧爲太尉兼尚書令平章政事襄爲尚書右丞相右丞張汝霖爲平章政事參知政事完顏婆盧火罷以戶部尚書劉曄爲參知政事戊子詔尚書令徒單克寧右丞相襄平章政事張汝霖宿於內殿

二十九年正月壬辰朔上大漸不能視朝詔遣宋高麗賀正旦使還癸巳上崩于福安殿壽六十七皇太孫即皇帝位己亥殯于大安殿三月辛卯朔上尊謚曰光天興運文德武功聖明仁孝皇帝廟號世宗四月乙酉葬興陵

難能者更始既害其兄伯升當亂離之際不思報怨事更始如平日人不見戚容豈非人所難能乎此其度量蓋將大有爲者也其他庸主豈可及哉右丞張汝霖曰湖陽公主奴殺人匿主車中洛陽令董宣從車中曳奴下殺之主入奏光武欲殺宣及聞宣言意遂解使宣謝主宣不奉詔主以言激怒光武光武但笑而已更賜宣錢三十萬上曰光武聞直言而怒解可謂賢主矣令宣謝主則非也高祖英雄大度駕馭豪傑起自布衣數年而成帝業非光武所及也及即帝位猶有布衣麓蒙之氣光武所不爲也癸丑辛太尉克寧第十二月丙寅以太理正移刺彥拱爲高麗

使乙亥上不豫庚辰赦天下乙酉詔皇太孫璟攝政眉慶和殿東廡丙戌以太尉左丞相徒單克寧爲太尉兼尚書令平章政事襄爲尚書右丞相右丞張汝霖爲平章政事參知政事完顏婆盧火罷以戶部尚書劉曄爲參知政事戊子詔尚書令徒單克寧右丞相襄平章政事張汝霖宿於內殿

二十九年正月壬辰朔上大漸不能視朝詔遣宋高麗賀正旦使還癸巳上崩于福安殿壽六十七皇太孫即皇帝位己亥殯于大安殿三月辛卯朔上尊謚曰光天興運文德武功聖明仁孝皇帝廟號世宗四月乙酉葬興陵

齊曰世宗之立雖由勸進然天命人心之所歸雖古聖賢之君亦不能辭也蓋自太祖以來海內用兵寧歲無幾重以海陵無道賦役繁興盜賊滿野兵甲並起萬姓眴眴內騷然老無留養之丁幼無顧復之愛顛危愁困待盡朝夕世宗又典外郡明禍亂之故知吏治之得失即位五載而南北講好與民休息於是躬節儉崇孝弟信賞罰重農桑慎守令之選嚴廉察之責却任得敬分國之請拒趙位寵郡縣之獻孳孳爲治夜以繼日可謂得爲君之道矣當此之時群臣守職上下相安家給人足倉廩有餘刑部歲斷死罪或十七人或二十人號稱小堯舜此其效驗也然舉賢之急求言之切不絕于訓辭而群臣偷安苟祿不能將順其美以底大順惜哉

本紀第八

本紀第九

金史九

元開府儀同三司上柱國前中書右丞相監修國史

本傳都總裁臣脫脫修

章宗一

章宗憲天光運仁文義武神聖英孝皇帝諱璟小字麻達

葛顯宗嫡子也母曰孝懿皇后徒單氏大定八年世宗幸

金蓮川秋七月丙戌次冰井上生翌日世宗幸東宮宴飲

歡甚語顯宗曰祖宗積慶而有今日社稷之福也又謂司

徒李石樞密使紇石烈志寧等曰朕子雖多皇后止有太

子一人幸見嫡孫又生於麻達葛山朕嘗喜其地衍而氣

清其以山名之群臣皆稱萬歲十八年封金源群王始習
本朝語言文字及漢字經書以進士完顏匡司經徐孝美
等侍讀二十四年世宗東巡顯宗守國上奉表詣上京問
安仍請車駕還都世宗嘉其意賜勅書荅論二十五年三
月萬春節復奉表朝賀六月顯宗崩世宗遣滕王府長史
臺御院通進膏來護視十二月進封原王判大興府事入
以國語謝世宗喜且爲之感動謂宰臣曰朕嘗命諸王習
本朝語惟原王語甚習朕甚嘉之諭旨曰朕固知汝年幼
服制中未可付以職然政事亦須學京輦之任姑試爾才
其勉之二十六年四月詔賜名璟五月拜尚書右丞相世

宗謂曰宮中有輿地圖觀之可以具知天下遠近阨塞又
謂宰臣曰朕所以置原王於近輔者欲令親見朝廷議論
習知政事之體故也十一日詔立爲皇太孫稱謝於慶和
殿世宗諭之曰爾年尚幼以明德皇后嫡孫惟汝一人試
之以事甚有可學之資朕從正立汝爲皇太孫建立在朕
保守在汝宜行正養德勿近邪佞事朕必盡忠孝無失衆
望則惟汝嘉二十七年三月世宗御大安殿授皇太孫冊
赦中外丁巳謁謝太廟及山陵始受百官歲賀二十八年
十二月乙亥世宗不豫詔攝政聽授五品以下官丁亥受
攝政之寶二十九年春正月癸巳世宗崩即皇帝位于柩

前丙申詔中外賜內外官單恩兩重三品已上者一重免
今歲租稅并自來懸欠係官等錢鰥寡孤獨人絹一匹米
兩石已亥遷大行皇帝梓宮于大安殿癸卯以皇太后命
爲令旨甲辰以大理卿王元德等報哀于宋高麗夏乙卯
白虹貫日亘天丁巳參知政事崇浩罷山東統軍裔以私
過都城不赴哭臨筮五十降授彰化軍節度使戊午名皇
太后宮曰仁壽設衛尉等官二月辛酉朔日有食之癸亥
始聽政追尊皇考爲皇帝尊母爲皇太后甲子命學士院
進呈漢唐便民事及當今急務乙丑白虹亘天勅答聞鼓
院所以達冤枉推骨鎖戶其令開之戊辰更仁壽宮名隆
慶詔宮籍監戶舊係睿宗及大行皇帝皇考之奴婢者悉
放爲良己巳勅御史臺自今監察令本臺辟舉任內不稱
職亦從奏罷丁丑增定百官俸乙酉詔有司稽考典故許
引用宋事是月宋主內禪子惇嗣立三月壬辰朝于隆慶
宮是月凡五朝己酉詔以生辰爲天壽節癸丑夏國遣使
來吊夏四月己巳夏國遣使來祭辛未宋遣使來吊祭乙
酉葬世宗光天興運文德武功聖明仁孝皇帝於興陵戊
子朝于隆慶宮五月庚寅朔太白晝見壬寅宋主遣使來
報嗣位夏國遣使來賀即位丙午以柎廟禮成大赦丁未
地生白毛庚戌詔罷送宣錢今後諸護衛考滿賜官錢三

千貫壬子勅收錄功臣子孫量材於局分承應戊午朝于
隆慶宮以東北路招討使溫迪罕速可等爲賀宋主即位
使河溢曹州閏月庚申朔封允珣爲豐王琮鄆王瓌瀛王
從彘沂王弟從憲壽王玠溫王辛酉制諸飢民賣身已贖
放爲良復與奴主男女並聽地爲良丙寅觀稼于近郊庚午
以樞密副使唐括頁爲御中大夫壬申封乳母孫氏蕭國
夫人姚氏莘國夫人丙子_在封趙王永中漢王曹王永功
冀王幽王永成吳王虞王_三小升隨王徐王永蹈衛王勝王
永濟潞王薛王永德潘王_甫辰宋遣使來賀即位癸未朝
于隆慶宮詔學士院自今誥詞並用四六乙酉詔諸有司
身承應人係將來受親民之職可命所屬諭使爲_{學士}
衛符寶奉御奉職侍直近密當選有德行學問之人爲之
教授六月己丑朔有司言律科舉人止知讀律不知教化
之原必使通治論語孟子涵養器度遇府會試委經義試
膏出題別試與本科通定去留爲宜從之詔有司請親王
到任各給錢二十萬辛卯脩起居注完顏烏者知登聞檢
院孫鐸皆上書諫罷園獵上納其言拾遺馬升上儉德箴
乙未初置提刑司分按九路並兼勸農採訪事屯田鎮防
諸軍皆屬焉丁酉幸慶壽寺作瀘溝石橋己亥朝于隆慶
宮甲辰罷送赦禮物錢朝于隆慶宮乙卯高麗國王暗遣

使來吊祭及會葬勅有司移報宋高麗夏天壽節於九月
一日來賀丁巳命提刑官除後於使殿聽旨每十月使副
內一員入見議事如止一員則令判官入見其判官所掌
煩劇可升同隨朝職任秋七月辛酉減民地稅十之一河
東南北路十之二下田十之三甲子朝于隆慶宮乙丑勅
近侍官授外任三品四品賜金帶一重幣有差丁卯以太
尉尚書令東平郡王徒軍克寧為太傅改封金源郡王辛
未高麗遣使來賀即位甲戌乙酉太后幸壽安宮辛巳詔
京府節鎮防禦州設學養士初設經童科御史大夫唐括
香罷禮部尚書移刺履為參知政事以刑部尚書完顏守
貞等為賀宋生日使八月戊子朔奉皇太后幸壽安宮辛
卯勅有司京府州鎮設學校處其長貳幕職內各以進士
官提控其事仍且入銜壬辰初定品官子孫試補令史格
及提刑司所掌三十二條左司諫郭安民上疏論三事曰
崇節儉去嗜欲廣學問丁酉如大房山戊戌謁真諸陵己
亥還都庚子朝于隆慶宮是月凡三朝壬寅制提刑司設
女直契丹漢兒知法各一人甲辰參知政事劉瑋罷丙辰
宋高麗夏遣使來賀天壽節九月戊午朔天壽節以世宗
喪不受朝庚申詔增守山陵為二十丁給地十頃壬戌詔
罷告捕亂言人賞甲子制諸盜賊聚集至十人或騎五人

以上所屬移捕盜官捕之仍遞言省部三十人以上聞奏
違者杖百是日朝于隆慶宮是月凡四朝丁卯制強族大
姓不得與所屬官吏交往違者有罪戊辰以隆慶宮衛尉
把思忠為夏國生日使庚午以尚輦局使崇德為橫賜高
麗使丙子獵于近郊戊寅監察御史焦旭劾奏太傅克寧
右丞相襄不應請車駕田獵上曰此小事不須治之乙酉
如大房山冬十月丁亥朔謁直諸陵己丑還都庚寅朝于
隆慶宮是月凡四朝辛卯上顧謂宰臣曰翰林闕人平章
政事汝霖對曰鳳翔治中郝俱可汝霖諫止田獵詔答曰
卿能每事如此朕復何憂然時異事殊得中為當丙申冬
獵己亥次羅山庚子次王田辛丑沁州卅州進嘉禾丁亥
次寶坻庚戌中侍石抹阿古誤帶刀入禁門罪應死詔杖
八十癸丑至自寶坻十一月己未朝于隆慶宮辛酉以右
官徽院使裴滿餘慶等為賀宋正旦使癸亥上謂宰臣曰
今之用人太拘資歷循資之法起於唐代如此何以得人
平章政事汝霖對曰不拘資格所以待非常之材上曰崔
祐甫為相未踰年薦八百人豈皆非常之材歟甲子諭尚
書省曰太傅年高每趨朝而又赴省恐不易自今旬休外
四日一居休庶得調攝常事他相理問惟大事白之可也
戊辰諭尚書省自今五品以上官各舉所知歲限所舉之

數如不舉者坐以蔽賢之罪仍依唐制凡五品以上官到任
即舉自代並從提刑司採訪之已巳初制轉遞文字法壬
申朝于隆慶宮乙亥命叅知政事移刺履提控刑脩遼吏
丁丑以西上閣門使移刺那爲高麗生日使御史臺奏故
事臺官不得與人相見蓋爲親王宰執形勢之家恐有私
徇然無以訪知民間利病官吏善惡詔自今許與四品以
下官相見三品以上如故辛巳詔有司今後諸處或有饑
饉令總管節度使或提刑司先行賑貸或賑濟然後言上
十二月丙戌朔朝于隆慶宮是月凡五朝詔罷鑄錢丁亥
密州進白雉壬辰諭有司女直人及百姓不得用經捕野
物及不得放群鷓枉害物命亦恐女直人廢射也戊戌復
置北京遼東鹽使司仍罷巡鹽使以河東南北路提刑司
言賑官化保德嵐州饑其流移復業給復一年是日禁宮
中上直官及承應人毋得飲酒乙巳祭奠興陵壬子諭臺
臣曰提刑司所舉劾多不過行則失大體不行則恐有所
沮其以此意諭之甲寅宋高麗夏遣使來賀正日是冬無
雪

明昌元年春正月丙辰朔改元以世宗喪不受朝賀上朝
于隆慶宮是月凡四朝丁巳制諸王任外路者許游獵五
日過此禁之仍令戒約人從毋擾民辛酉諭尚書省宰執

所以總持國家不得受人覬覦或遇生辰受所獻毋過萬
石恩大功以上親及三品以上官不禁壬戌以知河中
府事王尉爲尚書右丞刑部尚書元頴守貞爲參知政事
甲子如大房山乙丑眞謁興陵裕陵丙寅還都戊辰制禁
自披剃爲僧道者勅外路求世宗御書辛未如近畿春水
已卯如春水二月丁亥太白書見丙申遣諸王凡出獵毋
越本境壬寅諭有司寒食然燈五日著于令甲辰至自春
水朝于隆慶宮是月凡四朝癸丑地生白毛甲寅如大房
山三月乙卯朔眞興陵丙辰還都朝于隆慶宮是月凡
六朝己未勅點檢司諸試護衛人須身形及格若功臣子

孫善射出衆雖不及格亦令入見癸亥禮官言民或一產
三男內有才行可用者可令察舉量材叙用其驅婢所生
舊制官給錢百貫以資乳哺尚書省請吏給錢四十貫贖
以爲良制可丙寅有司言舊制朝官六品以下從人輸庸
者聽五品以下不許輸庸恐傷禮體其有官職俱至三品
年六十以上致仕者人力給半乞不分內外願令輸庸者
聽從之乙巳擊毬於西苑日寮會觀癸酉詔內外五品以
上歲舉廉能官一員不舉者坐蔽賢罪乙亥初設應制及
宏詞科丁丑制內外官并諸局承應人遇祖父母父母忌
日並給假一日辛巳詔修曲阜孔子廟學壬午如壽安宮

夏四月甲申朔朝于隆慶宮是月凡四朝戊戌如壽安宮
五月不雨乙卯祈于北郊及太廟朝于隆慶宮是月凡三
朝丙辰以鷹坊使移刺寧為橫賜夏國使戊午拜天子西
苑射柳擊毬縱百姓觀壬戌祁雨于社稷甲子制省元及
四舉終場人許該恩己巳復祁雨于太廟庚午置知登聞
鼓院事一人丙子以祁雨望祭嶽鎮海瀆于北郊戊寅命
內外官五品以上任內舉所知才能官一員以自代壬午
以叅知政事移刺履為尚書右丞御史中丞徒單鑑為叅
知政事尚書右丞相褻罷六月己丑制定親王家人有犯
其長史府掾失覺察故縱罪壬辰奉皇太后辛壽慶寺甲

庚勅僧道三年一試秋七月己巳以禮部尚書王翕等
賀宋生日使庚午朝于隆慶宮丁丑詔罷西北路蝦蟆山
市場八月癸未朔禁指託親王公主奴隸占網船侵商旅
及妄徵錢債乙酉詔設常平倉丁亥至自壽安宮戊子朝
于隆慶宮是月凡三朝己丑以判大睦親府事宗室為平
章政事壬辰幸玉泉山即日還宮癸巳罷諸府鎮流泉務
選才幹之官為諸州刺史皆召見諭戒之戊戌上諭宰臣
曰何以使民棄末而務本以廣儲蓄令集百官議戶部尚
書鄧儼等曰今風俗侈靡宜定制度辨上下使服用居室
各有差等抑昏喪過度之禮禁追逐無名之費用度有餘

蓄積自廣矣右丞履叅知政事守貞鑑曰凡人之情見美則願若不節以制度將見奢侈無極費用過多民之貧之殆由此致方今承平之際正宜講究此事爲經又法上是履議壬寅勅麻吉以皇家袒免之親特收充尚書省祇候郎君仍爲永制丁未獵于近郊己酉宋高麗貢遣使來賀天壽節九月壬子朔天壽節以世宗喪不受朝丙辰以廉能進擢北海縣令張翱等十八人官己未以武衛軍副都指揮使烏林答謀甲爲頁國生日使庚申朝于隆慶宮壬戌如秋山冬十月丁亥至自秋山戊子朝于隆慶宮丙申詔賜貴德州孝子程巽等州節婦張氏各絹十匹粟二十

石戊戌以有司言登聞鼓院同記注院勿有所隸制民庶聘財爲三等上一百貫次五十貫次二十貫丁未獵于近郊十一月乙卯朝于隆慶宮是月凡五朝以惑衆亂民禁罷全真及五行毗盧以僉書樞密院事把德固等爲賀宋正旦使丁巳制諸職官讓蔭兄弟子姪者從其所請戊辰召禮部尚書王修諫議大夫張暉詣殿門問之曰朝廷可行之事汝諫官通官即當辨析小民之言有可採者朕尚從之况卿等乎自今所議毋但附合於尚書省辛未以西上閣門使移刺撻不也爲高麗生日使丙子丁冬獵己卯次雄州判真定府事吳王永成判定武軍節度使隋王永升來

朝十二月壬午免獵地今年稅丁亥次
事張汝霖薨丁酉至自饒陽甲辰幸太
疾以克寧爲太師尚書令封淄王賜銀
匹乙巳朝于隆慶宮丙午詔有司正旦
後進酒丁未宋高麗夏遣使來賀正旦

二年春正月庚戌朔以世宗喪不受朝
使可令館內貿易一日尚書省言故事
甲寅始許宮中稱聖主乙卯皇太后不
丙夜乃還辛酉皇太后崩丙寅以左副
于宋高麗夏庚午太師尚書令淄王徒
克寧薨甲戌百

官素請聽政不許戊寅詔賜陟括里部
百端絹二千匹以振其乏吳王永成隋
奔赴失期罰其俸一月其長史笞五十
永中以疾失期上諭使回二月壬午百
壬辰上始視朝勅親王及三品官之家
入諭有司進士程文但合格者即取之
樞密副使夾谷清臣爲尚書左丞戊戌
丙午初設王傅府尉官三月丁巳夏國
有司國號犯漢遼唐宋等名不得封臣
恒宋爲汴秦爲鎬晉爲并漢爲益梁爲
鄧齊爲彭殷爲譙

唐爲絳吳爲鄂蜀爲夔陳爲宛隋爲涇虞爲澤制可丁卯
夏國遣使來祭乙亥高麗遣使來弔祭丁丑宋遣使來弔
祭四月戊寅朔尚書省言齊民與屯田尸往往不睦若令
近相婚姻實國家長久安寧之計從之乙酉葬孝懿皇太
后于裕陵戊子制諸部內災傷主司應言而不言及妄言
者杖七十檢視不以實者罪如之因而有傷人命者以違
制論致枉有徵免者坐贓論妄告者尸長坐詐不以實罪
計贓重從詐匿不輸法庚寅禁民庶不得服純黃銀褐色
婦人勿禁著爲定制辛卯上幸壽安宮課議大夫張瞻等
上疏請止其行不允癸巳諭有司自今女直字直譯爲漢

字國史院專寫契丹字者罷之甲午改封永中爲并王永
功爲魯王永成亮王永升曹王永蹈鄭王永濟韓王永德
翊王戊戌增太學博士助教自乙亥學士院新進唐杜甫
韓愈劉禹錫杜牧賈島王建宋王禹偁歐陽脩王安石蘇
軾張耒秦觀等集二十六部庚子改壽安宮名萬寧上寅
如萬寧官詔襲封衍聖公孔元措視四品秩五月庚戌勅
自今四日一奏事仍免朝戊辰詔諸郡邑文宣王廟風雨
師社稷神壇墮廢者復之詔御史臺令史並以終場舉人
充六月戊子平章政事崇寧薨癸巳禁稱本朝人及本朝
言語爲蕃違者杖之丙午尚書右丞移刺履薨秋七月丁

已以參知政事徒單鎰爲尚書右丞御史中丞夾谷衡爲
參知政事己未觀稼于近郊己巳禁職官元日生辰受所
屬獻遺仍爲未制以同僉大睦親府事等爲賀宋生日
使庚午諭有司自今外路公主應赴闕其駙馬都尉非奉
旨毋擅離職八月癸未至自萬寧宮己亥勅山東河北關
食等處許納粟補官諭有司自今親王所領如有軍處令
佐貳總押軍事乙巳宋高麗夏遣使來賀天壽節九月丁
未朔天壽節以皇太后喪不受朝甲寅如大房山乙卯謁
奠裕陵丙辰還都丁巳以西上閣門使白琬爲夏國生日
使己未定詐爲制書未施行制以尚書左丞夾谷清臣爲

平章政事封芮國公參知政事完顏守貞爲尚書左丞知
大興府事張萬公爲參知政事庚申如秋山冬十月己丑
至自秋山甲午勅司獄毋得與府州司縣官筵宴還往違
者罪之禁以太一混受錄私建庵室者壬寅以河北山東
早應雜犯及強盜己未發覺減死一等釋徒以下十一月
丙午朔制諸女直人不得以姓氏譯爲漢字申寅禁伶人
不得以歷代帝王爲戲及稱萬歲犯者以不應爲事重法
科丁巳以幽王傳宗壁等爲賀宋正旦使戊午夏人殺我
邊將阿魯帶甲子制投匿名書者徒四年丙寅以近侍局
副使完顏匡爲高麗生日使壬申勅提刑司官自今每十

五日一朝十二月乙亥朔勅三品致仕官所得僦從母令
輸庸已卯定鎮邊守將致盜賊罪甲申獵于近郊乙酉詔
罷契丹字已丑尚書右丞徒單鑑罷癸卯宋高麗貢遣使
來賀正旦

三年春正月乙巳朔以皇太后喪不受朝丙辰以孝懿皇
后小祥尚書省請依明昌元年世宗忌辰例諸王陪位服
慘素去金玉之飾百官不視事禁音樂屠宰從之壬戌如
春水二月甲戌朔勅猛安謀克許於冬月率所屬戶畋獵
二次每出不得過十日壬辰至自春水丁酉獵于近郊辛
丑詔追復田穀等官爵閏月甲子以山東路統軍使烏林

谷忽為御史大夫三月乙亥更定強盜徵贖品官及諸人
親獲強盜官賞制辛巳初設左右衛副將軍癸未瀘溝石
橋成辛熙春園丁亥如萬寧宮辛卯詔賜棗州孝子劉瑜
錦州孝子劉慶祐絹粟旌其門閭復其身上因問宰臣曰
從來孝義之人曾官使者幾何左丞守貞對曰世宗時有
劉政者嘗官之然若輩多淳質亦及事上曰豈必盡然孝
義之人素行已備稍可用即當用之後雖有希覬作偽者
然偽為孝義猶不失為善可檢勘前後所申孝義之人如
有可用者可具以聞癸巳尚書省奏言事者謂釋道之流
不拜父母親屬敗害風俗莫此為甚禮官言唐開元二年

勅云聞道士女冠僧尼不拜二親是為子而忘其生傲親而徇於末自今以後並聽拜父母其有喪紀輕重及尊屬禮數一准常儀臣等以為宜依典故行之制可左丞守貞言上嘗命臣問忻州陳毅上書所言事其一極論守令之弊臣面問所以救之之道莫之能言上曰方今政欲知其弊也彼雖無救弊之術但能言其弊亦足嘉矣如毅言及隨處有司不能奉行條制為人傭雇尚須出力况食國家祿而乃如是得無虧臣子之行乎其令檢會前後所降條理舉行之是日温王玠薨丁酉命有司祈雨望祀嶽鎮海瀆于北郊四日壬寅朔定宣聖廟春秋釋奠三獻官以祭

以任起

酒司業博士允祝詞稱皇帝謹遣及卷歌改用太常樂工其獻官并執事與享者並法服陪位學官公服學生儒服尚書省奏提刑司察舉涿州進士劉器博博州進士張安行河中府胡光謙光謙年雖八十三尚可任用勅劉器博張安行特賜同進士出身胡光謙召赴闕甲辰祈雨于社稷丙午罷天山北界外採銅戊申瀛王瓌薨戊午詔集百官議北邊開壕事詔賜雲內孝子孟興絹十匹粟二十五石賜同州人妻師氏謚曰節丙辰旱灾下詔責躬丁卯復以祈雨望祀嶽鎮海瀆山川于北郊戊辰勅親王衣領用銀褐紫綠遣御史中丞吳鼎樞等會決中都冤獄外路委提

刑司馳決左丞守貞以早上表乞解職不允參知政事衛
萬公皆入謝上曰前詔所謂罷不急之役省無名之費議
冗官決滯獄四事其速行之五月壬申朔以尚書禮部
侍郎李木魯子元為橫賜高麗使癸酉罷北邊開墾之役
甲戌祈雨于社稷是日雨戊寅出宮如百八十三人尚書
省奏近以山東河北之饑已委宣差所至安撫賑濟復遣
右三部司正范文淵往視之乙酉以雨足致祭于社稷以
于百官賀雨足尚書左丞完顏守貞罷己丑以雨足望祀
嶽鎮海瀆六月癸卯宰臣請能提刑司上曰諸路提刑司
官止三十餘員猶患不得其人州郡三百餘處其能事者

人乎弗許甲寅以久雨命有司祈晴丁巳定提刑司條制
平酉詔定內外所司公事故作疑申呈罪罰格乙丑以知
大名府事劉瑋為尚書右丞有司言河州災傷民之食而
榷稅有未輸詔免之諭戶部可預給百官冬季俸令就倉
以時直糶與貧民秋成各以其貲糶之其所得必多矣而
上下便之其承應人不願者聽秋七月戊寅勅尚書省曰
饑民如至遼東恐難渡得食必有饑死者其令散糧官問
其所欲居止給以文書命隨處官長計口分散令富者出
粟養之限以兩月其粟充秋稅之數己卯祁州刺史頗長
壽安武軍節度副使胡刺坐賑濟不及四縣各杖五十癸

未詔增北邊軍千二百人分置諸堡丁亥胡光謙至闕命
學士院以雜文試之稱旨上曰朕欲親問之辛卯以殿前
都點檢僕散端等爲賀宋生日使己亥上謂宰臣曰聞諸
王傳尉多苛細舉動拘防亦非朕意是職之設本欲輔導
諸王使歸之正得其大體而已平章政事清臣曰請以聖
意徧行之曰已諭之矣八月癸卯勅諸職官老病不肯辭
避有司諭使休閑者不在給俸之列格前勿論上以軍民
不和吏員姦弊詔四品以下六品以上集議平尚書省各
述所見以聞甲辰集三品以下六品以上官問以朝政得
失及民間利害令各書所對丁未以有司奏宣海州文登

縣王震孝行以嘗業進士立并試其文特賜同進士出身仍
主教授一等職任辛亥至百萬寧宮特賜胡光謙明昌二
年進士第三甲及第授將仕郎太常寺奉禮郎官制舊設
是職未嘗除人以光謙德行才能故特授之己未以烏林
答原爲尚書左丞辛酉徧于近郊乙丑上謂宰臣曰朕欲
任官令久於其事若今日作禮官明日司錢穀雖間有異
材然事能悉辦者鮮矣對曰使中材之人久於其職事既
熟茲亦得力上問太常卿張暉古有三恪今何無之暉具
典故以聞丁卯宋高麗遣使來賀天壽節九月庚午朔
天壽節以皇太后喪不受朝諭尚書省去歲山東河北被

災傷處所閹租稅及借貸錢粟若便徵之恐貧民未蘇俟
豐收日以分數察徵可也又謂宰臣曰隨路提刑司舊止
察老病不任職及不堪親民者如得其實即改除他路若
他路提刑司覆察得實勿復注親民之職卿等其議行之
甲戌以郊社署人唐括合達爲夏國生日使己卯如秋山
免圍場經過人戶今歲夏秋租稅之半曾當差役者復一
年冬十月壬寅至自秋山丙午勅御史臺提刑司自今保
申廉能官勿復有乞升品語壬子有司奏增修曲阜宣聖
廟畢勅懷英撰碑文朕將親行釋奠之禮其檢討典故
以聞甲寅勅置常平倉慶並令州府官以本職提刑縣官
兼管勾其事以所糴多寡約量升降以爲永制賜河南路
提刑司所舉逸民游總同進士出身以年老不樂仕進授
登仕郎給正八品半俸終身戊午諭尚書省訪求博物多
知之士癸亥遣諭諸王府傳尉曰朕分命諸王出鎮蓋欲
政事之暇安便優逸有以自適耳然慮其舉措之間或違
於理所以分置傳尉使勸道彌縫不入於過失而已若公
餘遊宴不至過度亦復何害今聞爾等或用意太過凡王
門細碎之事無妨公道者一一干與替助之道豈當如過
宜各思職分事舉其中無失禮體仍就諭諸王使知朕意
丙寅勅應保舉官及試中書判者委官覆察言行相副者

景與陞除隨朝及六品以上各隨所長用之己巳獵于近郊十一月庚午朔向書省奏翰林侍講學士党懷英舉孔子四十八代孫端甫年德俱高該通古學濟南府舉魏汝翼有文章德誼苦學三十餘年已四舉終場蘇州舉劉震身學行俱優嘗充舉首益都府舉王樞博學善畫事親至孝勅魏汝翼特賜進士及第劉震等同進士出身並附王澤榜孔端甫侯春暖台之丙子詔臣庶名犯古帝王而姓復同者禁之周公孔子之名亦令回避戊寅升相州為彰德府以前右副都點檢溫敦忠等為賀宋正旦使壬午勅書省奏知河南府事程暉乞進封父祖權尚書禮部郎中党懷英言凡宰執改除外任長官其佐官以下相見禮儀皆與他長官不同其子亦得試補省令史其子且爾父相封贈理當不同合與宰執一例封贈從之甲申改提刑司令史為書史丙申以有司言河州定羌民張顯孝交力田焚券已責又獻粟千石以賑饑棣州民榮相賑米七百石錢三百貫冬月散柴薪三千束皆別無希覲特各補兩官仍正班叙十二月癸卯以東上閣門使張汝猷為高麗生日使辛亥諭有司祈雪癸丑獵于近郊丙辰有赤氣見于北方丁巳勅華州下邽縣置武定鎮倉京北櫟陽縣置粟邑鎮倉許州舞陽縣置北舞渡倉各設倉草都監一人

縣官兼領之乙丑定到任告致仕格丁卯宋高麗貢遣使來賀正口

本紀第九

本紀第十

金史十

元開府儀同三司上柱國前中書右丞相監修國史都總裁臣脫脫修

章宗二

四年春正月己巳朔以皇太后喪不受朝辛未以平章政事夾谷清臣為尚書右丞相監修國史丁丑遣戶部侍郎李獻可等分路勸農事癸未尚書省奏大興府推官蘇德秀為禮部主事上曰朕既嘗語卿百官當使久於其職彼方任理官復改戶曹尋又除禮部人才豈能兼之若久於其職但中材勝於新人事既經練亦必有濟後不可輕易

改除上又言凡稱政有異迹者謂其斷事有軼才也若止
清廉此乃本分以貪汙者多故顯其異耳宰臣又言近言
事者謂方今孝弟廉恥道缺乞正風俗此蓋官吏不能奉
宣教化使然今之察舉官吏者多責近效以幹辦爲上其
有秉心寬厚欲行德化者輒謂之迂闊故人人皆以教化
爲餘事此孝弟所以廢也若論所司官吏有能務行德化
者擢而用之則教化可行孝弟可興矣今之所廢舉皆先
才而後德巧猾之徒雖有贓污一旦見用猶爲能吏此廉
恥所以喪也若論所司察舉官吏必審真偽使有才無行
者不能覲覲非道求進者加之糾劾則奔競之俗息而廉

耻可興矣辛卯賑河北諸路被水災者癸巳諭點檢司行
宮外地及圍獵之處悉與民耕雖禁地聽民持農器出入
丙申東京路副使王勝進鷹遺論之曰汝職非輕民間利
害官吏邪止略不具聞而乃以鷹進此豈汝所職也後毋
復爾二月戊戌朔如春水始以春秋二仲月上戊日祭社
稷癸丑獵于姚村浞癸亥至白春水丙寅參知政事張萬
公罷三月戊辰朔諸路提刑司入見各問以職事仍誡諭
曰朕特設提刑司本欲安民于今五年効猶未著蓋多不
識本職之體而徒事細碎以致州縣例皆畏縮而不敢行
事迺者山東民艱于食嘗遣使賑濟蓋卿等不職故至於

此既往之失其思悛改庚午上將幸景明宮御史中丞董師中等上書切諫不報壬申章再上補闕許安仁拾遺路鐸皆諫廼止制定民習角觝槍棒罪以工部尚書胥持國爲參知政事丙子特賜有司孔端甫及第授小學教授尋以年老命食主簿半俸致事甲申幸香山永安寺及玉泉山甲午定配享功臣勅自今御史臺奏事修起居注並令回避夏四月丁酉朔幸興陵崇妃第是日始舉樂自己亥至癸卯百官三表請上尊號上曰祖宗古先有受尊號者蓋有其德故有其名比年五穀不登百姓流離正當戒懼修身之日豈得虛受榮名耶不許仍斷來章戊申親禘于

太廟庚戌如萬寧宮辛亥右丞相清臣率百官及耆艾等復請上尊號學官劉璣亦率六學諸生趙楷等七百九十五人詣紫宸門請上尊號如唐元和故事不許丁巳賑河州饑勅女直進士及第後仍試以騎射中選者升擢之乙丑減尚廩食穀馬五月丙寅朔曹王永升及諸王請上尊號不許以尚廩局使石抹貞爲橫賜夏國使己巳上以群臣累上尊號不受詔諭中外徒罪以下逝降一等杖以下原之甲戌觀稼于近郊辛巳諭左司徧諭諸路令月具雨澤田禾分數以聞癸未以乂雨崇六月癸丑賜有司所舉德行才能之士安州崔秉仁兗州程駒錦州齊文乙大名

孫可久陳信仁應州董幾並同進士出身內辰以晴致祭
嶽鎮海濱壬戌尚書右丞相夾谷清臣進封戴國公西京
留守完顏守貞爲平章政事封蕭國公尚書右丞劉瑋薨
秋七月辛巳南京路提刑司員許州遷治南京己丑制三
品以上官有故者若親賢勲舊尚書省即與聞奏議加追
贈命以銀改鑄禮信之寶仍塗以金以同判大睦親府事
襄爲樞密使以御史中丞董師中等爲賀宋生日使八月
己亥樞密使襄帥百僚再請上尊號不許是日歲星太白
書見庚子大赦甲辰至自萬志子宮丁未釋奠孔子廟北面
再拜辛亥國史院進世宗實錄上服袍帶御仁政殿降座
立受之九月甲子朔天壽節御大安殿受親王百官及宋
高麗夏使朝賀戊辰以叅知政事夾谷衡爲尚書右丞戶
部尚書馬琪爲叅知政事勅尚書省大定二十九年以後
士庶言事或係國家或邊關大利害已嘗施行者可特補
一官有益於官民量給以賞以西上閣門使大譽爲夏國
生日使庚午如山陵次奉先縣辛未拜天于縣西壬申致
奠諸陵癸酉如秋山十一月庚午右丞相清臣叅知政事
持國上表丐閑優詔不許戊寅以翰林直學士完顏匡等
爲賀宋生日使命匡權易名弼以避宋諱壬午木冰丙戌
詔諸職官以臧污不職被罪以廉能獲升者令隨路京府

起

州縣列其姓名揭之公署以示勸懲庚寅夏國嗣子李純
佑遣使來訃告十二月甲午朔夏國李純佑遣使奉故王
仁孝遺表以進諭大興府於暖湯院日給米五石以贍貧
者戊戌定武軍節度使鄭王永蹈以謀反伏誅己亥諭有
司以鄭王財產分賜諸王澤國公主財物分賜諸公主甲
辰諸王府增置司馬一人以紇石烈瑄爲高麗生日使西
上閤門使大譽等爲夏國勅祭慰問使庚戌尚書省以科
目近多得人乞是舉增取進士上然之詔有司會試毋限
人數甲寅冊長白山之神爲開天弘聖帝丙辰獵于近郊
是歲大有年邢洺深冀及河北十六謀克之地野饗成關

五年春正月癸亥朔宋高麗百遣使來賀乙丑昭容李氏
進位淑妃己巳初用唐宋典禮皇后忌辰皆廢務尚書省
進區田法詔相其地宜務從民便又言遣官勸農之擾命
提刑司禁止之乙亥以葉魯谷神始製女直字詔加封贈
依蒼頡立廟整屋例祠於上京納里渾莊歲時致祭令其
子孫拜奠本路官一人及本千戶春秋二祭辛巳前中都
路都轉運使王寂薦三舉終場人蔡州文商經明行修足
備顧問前河北西路轉運使李揚言慶陽府進士李獎純
德博學鄉曲譽之絳州李天祺應州康晉侯屢赴廷試皆
有才德上曰文商可令召之李獎給主簿半俸終身餘賜

同進士出身遣國子祭酒劉璣冊李純祐為夏國王丁亥
幸城南別宮丁酉初定長吏勸課能不賞罰格尚書省奏
禮官言孝懿皇后祥除已久宜易隆慶宮為東宮慈訓殿
為承華殿從之詔購求崇文總目內所闕書籍戊戌祭社
稷以宣獻皇后忌辰用熙寧祀儀樂縣而不作二月甲辰
鄆王琮薨己酉宰臣請罷北邊屯駐軍馬不允癸丑以齊
河縣民張洎濟陽縣王琛河州李錡為義好施詔復之終
身仍著于令命宣徽使移刺敏戶部主事赤蓋實理哥相
視北邊營屯經畫長久之計三月壬申初定限錢禁庚辰
初定日月風雨雷師常祀戊子置弘文館既譯寫經書夏四

月壬辰朔幸北苑庚子詔各路所舉德行才能之士涿州
時琦雲中劉摯鄭州李升因州傅礪濟南趙摯與中田扈
方六人並特賜同進士出身以文商為國子教授特遷登
仕郎己酉詔自今篋櫝床榻之飾毋以金玉壬子特賜翰
林待制溫迪罕迪翰林學士承旨中奉大夫乙卯幸景明
宮董師中賈守謙路鐸先後凡兩上封事切諫不報五月
庚午次烏十撒八戊子桓撫二州旱遣使禱于縉山六月
壬辰如冰井己亥出獵登胡土白山酌酒再拜曹王永升
以下進酒丙午拜天曲赦西北路己未如杏沙秋山是月
宋前主脊殂七月戊辰獵于豁赤火一發貫雙鹿是日獲

鹿二百二十二賜扈從官有差辛巳次營溫合矢不是日
上親射獲黃羊四百七十一乙酉次水井丙戌以天壽節
宴樞光殿凡從官及承當人遇覃恩遷秩者並受宣勅於
殿前時又雨初霽有龍曳尾于殿前雲間戊子御膳羨中
有髮上舉視而棄之戒左右毋宣言八月辛亥至自景明
宮壬子河決陽武故堤灌封丘而東丁巳賜從幸山後親
軍銀絹有差九月戊午朔天壽節宋高麗身遣使來賀壬
戌命增定捕盜官被殺賻錢及官賞格甲子都水監官王
汝嘉等坐河決各削官兩階焚七十罷之乙丑上御睿思
殿諸路提刑使八見戊辰初令民買撲隨處金銀銅冶命

參知政事馬琪往視河決仍許便宜從事壬申宋主遣使
來告哀戊寅以知大興府事兀廐古鑑等爲宋國弔祭使
勅尚書省集百官議備邊事壬午特推恩東宮舊吏司經
王伯溫等八人官有差甲申命上京等九路并諸抹及乂
等處選軍三萬俟來春調發仍命諸路并北阻黻以六年
夏會兵臨潢冬十月庚寅右丞相夾谷清臣等表請上尊
號不允宋遣使獻遺留物壬寅右丞相清臣復請上尊號
國子祭酒劉璣亦率六學諸生上表陳請不允遣戶部員
外郎何格賑河決被災人戶庚戌張汝弼妻高陀幹以謀
逆伏誅壬子尚書省奏升提刑司所察廉官南皮縣令史

肅以下十有二人而大興主簿蒙括蠻都亦在選中上知其
人曰蠻都澆淳人也升之可乎與其任澆淳孰若用淳
厚况蠻都常才才智過人猶不當用恐敗風俗况常才耶
其再察之閏月戊午朔宋主遣使來報即位甲子親王百
官各奉表請上尊號不允丙寅以代國公歡都等五人配
享世祖廟庭甲戌以河東南北提刑使王啓等爲賀宋主
即位使乙亥獵于近郊戊寅上問輔臣孔子廟諸處何如
平章政事守貞曰諸縣見議建立上因曰僧徒修飾宇像
甚嚴道流次之惟儒者於孔子廟最爲減裂守貞曰儒者
不能長居學校非若僧道又處寺觀上曰僧道以佛老營

利故務在莊嚴闕侈起人施利自多所以爲觀變也庚辰
叅知政事馬琪自行省回具奏河防利害語載琪傳中丙
戌以翰林待制與屯忠孝權戶部侍郎太府少監溫昉權
工部侍郎行戶工部事修治河防以引進使完顏衷爲夏
國生日使十一月癸巳詔罷紫荊領所護圍場庚子以右
宣徽使移剌斡等爲賀宋正旦使癸丑太白晝見十二月
辛酉平章政事完顏守貞罷以知大興府事尼庵古鑑爲
叅知政事以戶部郎中李敬義爲賜高麗生日使丁卯免
被黃河水災今年秋稅辛巳勅減修內司備營造置千人
都城所五百人癸未勅尚書省自今獻靈芝嘉禾者賞

六年春正月丁亥朔受宋高麗夏使朝賀庚寅太白晝見
 辛卯勅有司給天水郡公家屬田宅壬辰如春水庚戌罷
 陝西括地辛亥諭胥持國河上役夫聚居恐生疾疫可廩
 醫護視之乙卯次御林二月丁巳朔勅有司行宮側及獵
 所有農者勿禁己未始祭高禩庚午至自春水丁丑京師
 地震大雨雹書海震應天門右鴟尾癸未宋遣使來報謝
 三月丙戌朔日有食之甲午以翰林直學士李木魯子元
 兼右司諫監察御史田仲禮為左拾遺翰林修撰僕散訛
 可兼右拾遺諭之曰國家設置諫官非取虛名蓋責實效
 庶幾有所裨益卿等皆朝廷重臣置之諫職如國家利害

官吏邪正極言無隱近路鐸左遷本以他罪卿等勿以被
 責遂畏縮不言其悉心戮力毋得緘默丙申如萬寧宮戊
 戌以北邊糧運括群牧所三招討司猛安謀克隨紘及迭
 刺唐古部諸抹西京太原官民騶五千充之惟民以馳載
 為業者勿括以銀五十萬兩錢二十三萬六千九百貫以
 備支給銀五萬兩金盃二千八百兩金牌百兩銀盃八千
 兩絹五萬匹雜絲千端衣四百四十六襲以備賞勞庚子
 以郡舉才行之士翟介然以下三人特賜進士及第李貞
 固以下十五人同進士出身夏四月癸亥勅有司以增修
 曲阜宣聖廟工畢賜衍聖公以下三獻法服及登歌樂一

部仍遣太常舊工徃教孔氏子弟以備祭禮甲子以尚書
左丞烏林答愿爲平章政事右丞夾谷衡爲尚書左丞丙
子幸王泉山戊寅以修河防工墨參知政事齊持國進官
二階翰林待制奧屯忠孝以下二十六人各一階獲嘉令
王維翰以下五十六人各賜銀幣有差庚辰以尚書右丞
相夾谷清臣爲左丞相監修國史封密國公樞密使襄爲
尚書右丞相封任國公參知政事齊持國爲尚書右丞壬
午賜宰臣手詔以風俗不淳官吏苟且責之五月丙戌命
祇萬寧宮陳設九十四所辛卯以出師造禮部尚書張暉
告于廟社乙未判平陽府事鎬王永中以罪賜死并及二

子丁酉詔中外乙巳詔諸路猛安謀克農隙講武木路提
刑司察其惰者罰之庚戌命左丞相夾谷清臣行省于臨
潢府六月丙辰右諫議大夫貫守謙右拾遺僕散訛可坐
鎬王永中事奏對不實削官二階罷之御史中丞孫即康
右補闕蒙括胡刺右拾遺田仲禮各罰金二十斤丙寅以
樞密副使唐括貢爲樞密使以久雨禁庚辰太白經天辛
巳左丞相清臣遣使來獻捷七月丙申幸曹王永升第甲
辰始定文武官六貫石以上承應人并及廢者若在籍儒
生章服制八月己未命兗州長官以曲阜新修廟告成于
宣聖癸亥至自萬寧宮己巳以溫敦伯英言命禮部令學

官講經辛未以吏部尚書直鼎樞等爲賀宋生日使壬申
行省都事獨吉永中來報捷乙亥勅官中承應人出職後
三年內犯贓罪者元舉官連坐不在去官之限著爲令辛
巳木波進馬九月壬午朔天壽節宋高麗夏遣使來賀甲
申冊靜寧山神爲鎮安公勿土白山神爲瑞聖公丙戌知
河間府事移刺仲方爲御史大夫辛卯如秋山以尚書左
司郎中粘割胡上爲夏國生日使冬十月丙辰至自秋山
丁巳以歲幸春水秋山五日一進起居表自今可十日一
進乙亥命尚書左丞夾谷衡行省于撫州命選親軍武衛
軍各五百人以從仍給錢五千萬十一月戊子左丞相夾

谷清臣罷右丞相襄代領行省事丙申以刑部尚書紀
烈貞等爲賀宋正旦使壬寅初定猛安謀克鎮邊後放
者授官格禁射糧軍應役但成隊伍不得持兵器及凡
以傷人者甲辰報敗敵於望雲乙巳以樞密使唐括育
史大夫移刺仲方禮部尚書張暉等二十三人充計議
凡軍事則議之戊申初定縣官增水田陞除制十二月
詔招撫北邊軍民以知登聞檢院賈益爲高麗生日使
戶部自外郎納蘭昉爲橫賜使戊午禮部尚書張暉等
大金儀禮丁卯應奉翰林文字趙秉文上書論姦欺乙
詔加五鎮四瀆王爵庚辰上幸後園閱軍器是月右丞

襲率駙馬都尉僕散揆等進軍大鹽澤分兵攻取諸營
承安元年春正月辛巳朔受宋高麗夏使朝賀甲申大監
濼群牧使移刺覲等爲廣吉刺部兵所敗死之丁亥國子
學齋長張守愚上平邊議三篇特授本學教授仍以其議
付史館二月甲子命有司祀高禘如新儀丁卯右丞相襲
左丞衡至自軍前己巳復命還軍幸都南行宮春水甲戌
至自行宮是月初造虎符發兵三月丁酉如萬寧宮不雨
遣官望祭嶽鎮海瀆于北郊癸卯勅尚書省刑獄雖已奏
行其間恐有疑枉其再議以聞人命至重不可不慎也甲
辰遣參知政事尼兀古鑑祈雨于社稷丁未復遣使就祈

于東嶽夏四月辛亥命尚書右丞胥持國祈雨于太廟壬
子遣使審決免嶽京城禁織扇戊午初行區種法民十五
以上六十以下有土田者丁種一畝乙丑命御史大夫移
刺仲方祈雨于社稷壬申命參知政事馬琪祈雨于太廟
甲戌尚書省以趙承元言請追上孝懿皇太后冊寶然後
行謚冊禮禮官執奏尊皇太后已詔示中外無追冊禮從
之戊寅上以久不雨命禮部尚書張暉祈于北嶽己卯遣
官望祭嶽鎮海瀆于北郊五月庚辰朔觀稼于近郊因閱
區田乙酉以久旱徙市庚寅詔復市如常壬辰以尚藥局
副使粘割忠爲橫賜夏國使乙未參知政事尼兀古鑑薨

庚子雨足六月甲寅上以百姓艱食詔出倉粟十萬石減價以糶之乙丑平晉縣民利通家蠶蠶百成綿段長七尺一寸五分闊四尺九寸詔賜絹十匹丁卯勅自今長老大師大德不限年申長老大師許度弟子三人大德二人戒僧年四十以上者度一人其大定十五年附籍沙彌年六十以上並令受戒仍不許度弟子尼道士女冠亦如之御史大夫移刺仲方寵庚午辛環秀亭觀稼癸酉詔應禁軍器路分步弓手擬於射糧軍內選之馬弓手擬於猛安謀克軍戶餘丁內選之其有為百姓害從本州縣斷遣無猛安戶於二百里內中駐軍餘丁內取之依步弓手月給一貫

石七月庚辰御紫宸殿受諸王百官賀賜諸王宰執酒勅有司以酒萬尊普通衢賜民縱飲乙酉勅今後高麗夏使入見敷奏令新設各國通事具公服與閤門使上殿監聽命有司收瘞西北路陣亡骸骨八月己酉獵于近郊癸丑幸玉泉山甲子以郊祀日期詔中外戊辰至自萬寧宮以陝西西路轉運使董誥中為御史大夫癸酉左丞衡丁父憂九月丁丑朔天壽節宋高麗夏遣使來賀幸天長觀辛巳以右丞相襄為左丞相監修國史封常山郡王壬午賜襄酒百尊太白晝見癸未都人進酒三千一百瓶詔以賜北邊軍吏以吏部尚書張嗣等為賀宋生日使癸巳左丞

衡起復丁酉知大興府卞同知郭鑄以擢選問宰臣各
四十辛丑西南路招討使僕散揆至自甲乙巳以國子監
丞烏古論達吉不爲夏國生日使冬十月丙午朔詔選親
軍八百人戍撫州庚戌命左丞相襄行省于北京簽書樞
密院事完顏匡行院於撫州丙辰裕亨于太廟十一月戊
子參知政事馬琪罷庚寅特滿郡牧契丹陔鎮德壽反泰
州軍擊敗之御史大夫董師中北京留守裔並爲參知政
事申午以陝西路統軍使崇道等爲賀宋正旦使丁酉朝
享于太廟戊戌有事于南郊大赦改元己亥曹王承衍率
親王百官賀癸卯命有司祈雪仍遣官祈于東嶽十二月
丙午樞密使唐括貢率百官詣上尊號不允己酉遣提點
太醫近侍局使李仁惠勞賜比邊將士授官者萬一千人
授賞者幾二萬人凡用銀二十萬兩絹五萬疋錢二十二
萬貫庚戌以同知登聞檢院阿不罕德剛爲高麗國生百
使壬子樞密使唐括貢復率百官請上尊號不允

二年春正月乙亥朔宋高麗夏遣使來賀乙酉勅職官犯
贓私不得訴于同官丁亥如女州春水丁酉至自春水辛
丑宋主以母后喪遣使告哀一月丁巳勅自今職官犯贓
每削一官殿一年是日太白星直見經天是月特命襲封衍
聖公孔元措世襲兼曲阜令二月己卯親王百官復請上

尊號不允壬午命尚書戶部侍郎溫昉佩金符行六部尚書於撫州庚寅辛酉園閱軍器辛卯始定保舉德行才能格癸巳平章政事烏林答愿能丁酉樞密使唐括貢率百官請上尊號不允以參知政事裔代左承省襄行省于北京夏四月甲寅如萬寧宮丙辰命有司祈雨望祭嶽鎮海瀆于北郊甲子祈雨于社稷回書省奏比歲北邊調度頗多請降僧道空名度牒以助軍儲從之癸酉親王宣勅始用女直字五月甲戌朔諭宰臣曰比以軍須隨路賦調司縣不度緩急促期徵斂使民費及數倍胥克又乘之以侵暴其令提刑司糾察之丙子集官吏于尚書

省詔諭之曰今紀綱不立官吏弛慢遷延苟簡者以成弊職官多以吉善求名計得自安國家何賴焉至於徇情賣法有部令史尤甚尚書省其戒諭之丁丑北京行省奏知政事裔移駐臨潢府庚辰升撫州為鎮宣軍以兩足報祭于社稷甲申望祭嶽鎮海瀆于北郊丁亥左丞相襲請臨潢府已丑皇子生庚寅詔中外降死罪釋徒以下六月乙巳命禮部尚書張暉報祀高禩丙午雨雹戊申以澄州刺史王遵古為翰林直學士仍勅無與撰述入直則奏聞或霖雨免入直以遵古年老且嘗侍講讀也庚戌詔罷瑤光殿工作甲寅置全州盤安軍節度使治安豐縣乙卯討羣

子爲壽王閏月甲午出西橫門觀稼秋七月壬寅朔吉去
長觀建普天大醮禁屠宰七日無奏刑百司權停決
未命西上閣門使劉頰賜參知政事齋宴于行省戊辰
壽節御紫宸殿受朝八月庚辰勅計議官所進奏帖
言利害勿用浮辭辛巳以邊事未寧詔集六品以上官於
尚書省問攻守之計應中外臣僚不以職位高下或有
略材武或長於調度各舉三五人以備選用無有顧望不
盡所懷期五日封章以進議者凡八十四人言攻者五守
者四十六且攻且守者二十三召對睿思殿論難久之癸
未至自萬寧官吳成以左丞相襄爲左副元帥參知政事

董師中尚書左丞左宣徽使管尚書右丞戶部尚書楊伯
通參知政事尚書左丞夾谷術罷右丞胥持國致仕庚寅
參知政事齋罷樞密使唐括真致仕壬辰以左副元帥襄
爲樞密使兼平章政事九月辛丑朔天壽節宋高麗貢遣
使來賀壬寅遣官分詣上京東京北京咸平臨潢西京等
路招募漢軍不足則簽補之乙巳以夏使朝辭詔答許復
保安蘭州權場丁未以知歸德府事完顏愈爲賀宋生日
使癸丑以上京留守粘割訛特刺爲平章政事辛酉以樞
密使兼平章政事兼知大興府事胥持國爲樞密副使權
參知政事行省于北京乙丑始置軍器監掌治戎器班少

府監下設甲坊利器一署為丁卯分遣官於東西北路
河北等路中都一節鎮買牛五萬頭冬十月庚午朔初設
講議所官十員共議錢穀以中都路轉運使孫鐸戶部侍
郎高汝礪等為之庚辰尚書省奏高麗國牒報其王以老
疾令母弟暉權國事壬午尚書省行推排丁亥皇子壽王
薨壬辰詔獎諭西南路招討使僕散揆等有功將士甲午
大雪以米千石賜普濟院令為粥以食貧民丙申以禮部
員外郎蒙括仁本為夏國生日使十一月甲辰冬至有事
于南郊乙巳以新貴勅圍場地內無禁樵採壬子諭尚書
省德安謀克既不隸提刑司宜令監察御史察其減否庚
申北京留守裔以行省失職杖一百除名右諫議大夫納
蘭昉杖九十削官二階罷之甲子諭幸臣曰朕居九重民
間難以徧知宰相不見賓客何以得知民間利害十二月
己巳朔勅御史臺糾察諂佞趨走有實跡者己卯始鑄承
安寶貨癸未遣戶部侍郎上官踰體究西京逃亡勸率沿
邊軍民耕種戶部郎中李以義規措臨潢等路農務乙酉
諭宰臣今後水潦旱蝗盜竄竊發命提刑司預為規畫戊
子諭西南路將士庚寅豫王承成進馬八十疋賜詔獎諭
稱皇叔豫王而不名

二月己巳朔幸建春宮辛巳諭宰臣曰自今內外官有闕
有才能可任者雖資歷未及亦且以聞雖親故毋有所避
以武衛軍都指揮使烏林答天益等為宋弔祭使甲申至
自建春宮丙戌斜出內附辛卯平章政事粘割幹特刺薨
三月戊戌以禮部尚書張暉為御史大夫壬寅始權醋甲
寅如萬寧宮丁巳勅隨處盜賊毋以強為竊以多為少以
有為無嘯聚三十人以上奏聞違者杖百丙寅高麗王王
皓以弟暉權國事遣使奉表來告夏四月戊辰朔諭有司
宰相遇雨可循殿廡出入內申諭御史臺曰隨朝大小官
雖有才能率多苟簡朕甚惡之其察舉必聞提刑司所察

廉能汗監官皆當殿奏餘事可轉以聞以待御史孫傑為
宣問高麗國王王皓使庚子后宣徽使張汝方以漏泄廷議
削官兩咤五月壬寅射柳擊毬縱百姓觀戊申以客省使
移刺郁為夏國生日使甲子參知政事楊伯通表乞致仕
不許秋七月丙午幸香山己酉如萬寧宮甲寅還宮八月
辛未獵于近郊癸酉獵于香山戊寅如萬寧宮庚辰以護
衛石和尚為押軍萬戶率親軍八百人武衛軍千六百人
戊西北路癸未還宮宋遣使來報謝九月丙申朔天壽節
宋夏遣使來賀以中都路都轉連使孫鑾等為賀宋生日
使乙巳獵于近郊庚戌參知政事楊伯通再表乞致政不

許戊午木波進馬冬十月庚午獵于近郊癸未行樞密院
言斜出等請開權場於轄里島從之丁亥定官民存留見
錢之數設回易務更立行用鈔法十一月丁酉樞密使兼
平章政事襄至自軍癸卯以爲尚書左丞相監修國史丁
未以太常卿楊庭筠等爲賀宋正旦使戊申詔獎諭樞密
副使夾谷衡以下將士辛亥守屬託法定軍前官吏選賞
格以邊事定詔中外減死罪徒以下釋之賜左丞相襄以
下將士金幣有差甲寅冬獵十二月甲子朔獵于酸棗林
大風寒罷獵凍死者五百餘人己巳還都丙戌尚書右丞
曹罷高顯權國事壬申遣使奉衣來告

四年春正月癸巳朔宋夏遣使來賀乙巳尚書左丞道師
中致仕李商蓋察御史姬端脩以妄言下吏尚書左丞相
襄爲司空職如故樞密副使夾谷衡爲平章政事封英國
公前知濟南府事張萬公起復爲平章政事封壽國公楊
伯通爲尚書左丞簽樞密院事完顏匡爲尚書右丞二月
乙丑如建春宮春水己巳還宮庚午御宣華門觀迎佛辛
未如建春宮赦姬端脩罪令居家候命司空襄言西南路
招討使僕散揆治邊有功召赴闕以知興中府事紇石烈
子仁代之壬申諭有司自二月一日爲始每旬二品至五
品官各一人轉對六品亦以次對臺諫勿與有應奏事與

轉對官相見無面對者上章亦聽乙亥還宮戊寅如建春
宮庚辰上諭點檢司曰自蒲河至長河及細河以東朕常
所經行官為和買其地令百姓耕之仍免其租稅甲申還
宮乙酉以西南路招討使僕散揆為參知政事起姬端脩
為太學博士如建春宮戊子還宮三月丁酉同判大睦親
府事宗浩為樞密使封崇國公己亥如建春宮遣使冊王
暉為高麗國王戶部尚書孫鏗郎中李仲略國子祭酒趙
忱始轉對香閣丁未勅尚書官員必須改除者議之其月
日淺者毋數改易乙卯尚書省奏減親軍武衛軍額及太
學女直漢兒生自罷小學官及外路教授詔學校仍舊武

衛軍額再議餘報可司空襄右丞匡參知政事揆請罷諸
路提點刑獄從之戊午雨雹夏四月癸亥改提刑司為按
察使司戊辰如萬寧宮壬申左丞楊伯通致仕御史大夫
張暉以奏事不實追一官侍御史路鐸追兩官俱罷之姬
端脩杖七十贖壬午英王從憲進封瀛王詔同州許州節
度使罷兼陝西河南副統軍五月壬辰朔以旱下詔責躬
求直言避正殿減膳審理冤獄命奏事於泰和殿戊戌命
有司望祭嶽瀆禱雨己亥應奉翰林文字陳載言四事其
一邊民苦于寇掠其農民困于軍須其三審決冤滯一
切從寬苟縱有罪其四行省官員例獲厚賞而沿邊司縣

曾不霑及此亦干和氣致旱災之所由也上是之壬寅以
兵部郎中完顏撒里合爲夏國生日使戊申宰臣以京錢
兩率百官請御正殿復常膳不從尚書省奏上更定給發
虎符制著于令庚戌諭宰臣曰諸路旱或關執政今惟大
興宛平兩縣不雨得非其守令之過歟司空襄平章政事
萬公參知政事揆上表待罪上以罪已答之令各還職詔
頒銅杖式士子祈雨于太廟乙卯更定軍功賞格戊午司
空襄以下再請御正殿復常膳不從庚申平章政事夾谷
衡薨以宿直將軍徒單仲華爲橫賜夏國使六月丁卯雨
司空襄以下復請御正殿復常膳從之甲戌以雨足命

有司報謝于太廟丁丑右補闕楊庭秀言自轉對官外復
令隨朝八品以上外路五品以上及出使外路有可言者
並許移檢院以聞則時政得失民間利病可周知矣從之
己卯以雨足報祭社稷辛巳遣官報祀嶽瀆癸未奉職醜
和尚進浮漏水稱影儀簡儀圖命有司依式造之丁亥定
宮中親戚非公事傳達語言轉遞諸物及書簡出入者罪
七月甲辰更定尚藥儀鸞局學者格辛亥勅宣徽院官天
壽節凡致仕宰執悉召與宴丙辰以久雨令大興府祈晴
八月己巳獵于近郊壬申獵于香山甲戌以皇嗣未立命
有司祈于太廟丁丑獵于近郊庚辰還宮九月庚寅朔天

壽節宋高麗夏遣使來賀己亥如薊州秋山己未以知東平府事僕散琦等爲賀宋生日使冬十月丙寅至自秋山壬午初定百官休假甲申初置審官院乙未勅京府州縣設普濟院每歲十月至明年四月設粥以食貧民丙申平章政事張萬公表乞致政不許庚戌命有司祈雪十一月甲寅定護衛改充奉御格以知濟南府事范楫等爲賀宋正旦使十二月己未除授文字初送審官院辛酉更定考試隨朝檢知法條格右補闕楊庭秀請類集太祖太宗世宗三朝聖訓以時觀覽從之仍詔增熙宗爲四朝癸未更定科舉法增設國史院女直漢人同修史各一人定親軍

及承應人退閑選賞格是月淑妃李氏進封元妃

五年春正月戊子朔宋高麗夏遣使來賀乙未以尚書省言會試取策論詞賦經義不得過六百人合格者不及其數則闕之丙申如春水庚子命左右司五日一轉奏事辛丑諭點檢司車駕所至仍令百姓市易庚戌定猛安謀克軍前怠慢罷世襲制二月辛未至自春水辛巳有司奏應奉翰林文字温迪罕天興與其兄直學士思齊同僚學士院定撰制誥文字合無迴避詔不須避仍爲定制癸卯定進納粟補官之家存留弓箭制丁未上與宰臣論置相曰徒單鑑朕志先定賈鉉如何皆曰知延安府事孫郎康可

平章政事萬公亦曰郎康及第先鉉一榜上曰至此安簡
榜次特以買才可用耳尚書省奏右補闕楊庭秀言乞令
尚書省及第左右官一人應入史事者編次日曆或一月
或一季封送史院上是其言仍令送著作局潤色付之三
月庚申大睦親府進重脩玉牒平章政事張萬公乞致政
不許壬戌命有司禱雨癸亥雨戶部尚書孫鐸大理卿完
顏撒剌國子司業蒙括仁本召對便殿丙寅如萬寧宮戊
辰定妻亡服內婚娶聽離制親王宰執百官再請上尊號
不許庚午以知大興府事下爲御史大夫丙子尚書省奏
擬同知商州事蒲察西京爲憲南府判官上曰宰相豈可

止徇人情要當重惜名爵此人不堪朕常記之止與七品
足矣庚辰以上京留守徒單鑑爲平章政事封濟國公辛
巳定本國婚聘禮制改山東東路舊皇城猛安名曰合里
哥阿隣四月丙戌朔文武百官再請上尊號不許丙午尚
書省進律義五月乙卯朔定猛安謀克鬪毆殺人遇赦免
死罷世襲制以兩足遣使報祭社稷丁巳定策論進士及
承蔭人試弓箭格戊午勅來日重五拜天服公裳者拜禮
仍舊諸便服者並用女直拜巳勅諸路按察司糾察親民
官以大校箠人者乙亥親王文武百官六學各上表請上
尊號不許庚辰地震詔定進納官有犯決斷法六月乙巳

遣有司祈晴望祭撤瀆七月乙卯朔以晴遣官望祭撤瀆
海濱發多定居祖父母喪婚娶聽離法初置蒲思衍群牧
辛未平章政事萬公特賜告兩月甲戌獵于近郊八月壬
辰幸香山乙未至自香山丁未勅審官院奏事其院官皆
許升殿戊申更定鎮防軍犯徒配役法九月甲寅朔天壽
節宋高麗遣使來賀戊午命樞密使宗浩禮部尚書賈鉉
佩金符行省山東等路括地己未尚書省奏西北路招討
使獨吉思忠言各路邊堡墻隘皆西自坦舌東至胡烈公幾
六百里向以起築忽遽並無女墻副隄近令修完計工七
十五萬止役戍軍未嘗動民己巳畢功上賜詔獎諭修王

牒成定皇族收養異姓男婦子者徒二年姓同者減三等
立嫡違法者徒一年癸亥加薊州秋山冬十月庚寅至百
秋山庚子風霾宋遣使來告哀辛丑集百官于尚書省問
間者凡旱近則久陰豈政有錯謬而致然歟各以所見對
以禮部郎中劉公憲爲高麗生日使丁未獵于近郊以宿
直將軍完顏觀音奴爲夏國生日使十一月癸丑朔日有
食之乙卯以國使院編修官呂卿雲爲左補闕兼應奉翰
林文字審官院以資淺駁奏上諭之曰明昌間卿雲嘗上
書言宮掖事辭甚切直皆他人不能言者卿輩蓋不知也
臣下言事不令外人知乃是謹密正當顯用卿宜悉之以

工部尚書烏古論誼等爲宋弔祭使初定品官過闕則下制已巳宋復遣使來告哀辛未以殿前右副點檢紇石烈忠定爲賀宋正旦使十二月癸未朔詔改明年爲泰和元年以河南路統軍使克等爲宋弔祭使乙未定管軍官受所部財物輒放離役及令人代役法辛丑詔宮籍監戶百姓自願以女爲婚者聽癸卯定造作不如法二年内有損壞者罪有差

泰和元年正月壬子朔宋高麗夏遣使來賀壬戌宋遣使獻先帝遺留物已巳以太府監孫復言方今任仕者二萬七千餘員而門廕補叙居二之一諸司待闕動至累年蓋

以補廕猥多流品混淆本末相舛至於進納之人旣無勞績又非科第而亦廕及子孫無所分別欲流之清必澄其源乃更定廕叙法而頒行之尚書省奏今杖式輕細民不知畏請用大杖詔不許過五分庚午如長春宮春水辛未上以方春禁殺含胎兔犯者罪之告者賞之甲戌初命文武官官職俱至三品者許贈其祖二月壬辰去造土茶律丁未至自春水三月乙丑夏國遣使來謝壬申望天長觀癸酉如萬寧宮乙亥宋遣使來報謝丁丑更定鎮防千戶謀克放老入除格辛巳敕官司私文字避始祖以下廟諱小字犯者論如律夏四月甲辰詔諭契丹人戶累經簽軍

立功者官賞恩例與女直人同仍許養馬爲吏五月甲寅
擊毬于臨武殿令都民縱觀丙辰樞密使宗浩罷壬戌辛
王泉山戊寅削尊長有罪卑幼追捕律以直東上閣門劉
頗爲橫賜高麗使六月己卯幸香山乙酉平章政事張萬
公表乞致仕不許辛卯祈雨于北郊己亥用尚書省言申
明舊制猛安謀克戶每田四十畝樹桑一畝毀樹木者有
禁鬻地土者有刑其田多汙萊人戶闕之并坐所臨長吏
按察司以時勸督有故慢者量決罰之仍減牛頭稅三之
一勅尚書省舉行風俗奢僭之禁乙巳初許諸科徵鋪馬
黃河夫軍須等錢折納銀一半願納錢鈔者聽丁未詔有

司修蓮花漏七月辛酉禁放良人不得應諸科舉子孫不
在禁限甲子諭刑部官比上書人言及宰相者不得申省
乙丑更定右選注縣令永簿格己巳初禁廟諱同音字八
月庚辰初命戶絕者田宅以二分之一付其女及女孫戊
子特改授司空襄河間府路筭注海世襲猛安乙未至自
萬寧宮內申宋遣使來報謝壬寅制猛安謀克並隸按察
司監察御史止按部糾舉有罪則併坐監臨之官詔推排
西北京遼東三路人戶物力九月戊申朔天壽節宋高麗
夏遣使來賀更定瞻學養仕法生員給民佃官田人六十
畝歲支粟三十石國子生人百八畝歲給以所入官爲掌

其數以右宣徽使徒單懷忠等爲賀宋生日使甲寅如秋
山丙子至自秋山冬十月乙酉禘享于太廟戊子平章政
事張萬公乞致仕不許壬辰御史臺奏在制按察司官比
任終遣官考覈然後尚書省命官覆察之今監察御史添
設員多宜分路巡行每路女直漢人各一人同往從之仍
敕分四路丙申御史大夫卞乞致仕不許戊戌以武衛軍
都指揮使司判官納合鉉爲高麗生日使壬寅敕有司購
遺書宜尚其價以廣搜訪藏書之家有珍惜不願送官者
官爲騰寫畢復還之仍量給其直之半甲辰以刑部員外
郎完顏綱爲夏國生日使十一月庚戌司空襄以下文武

一官復請上尊號不許辛亥敕尚書凡役衆勞民之事勿
輕行之丁巳諭工部曰比聞懷州有橙結實官吏檢視已
嘗擾民今復進柑得無重擾民乎其誠所司遇有則進無
則已庚申以殿前右衛將軍紇石烈七斤等爲賀宋正旦
使十二月辛巳勅改原廟春秋祭祀稱朝獻司空襄以下
復請上尊號詔不允仍斷來章丁酉司空襄等進新定律
令勅條格式五十二卷辛丑詔頒行之壬寅獵于近郊乙
巳初定康能官升注格

二年春正月丁未朔宋高麗遣使來賀乙卯始朝獻于
衍慶宮庚申幸芳苑觀燈癸酉歸德軍節度副使韓琛以

強市民布帛削一官罷之甲戌如建春宮二月戊戌初置
內侍寄祿官乙巳還宮三月甲寅初置宮苑司都同監各
一人甲子蔡王從彞母克等太師卒詔有司定喪禮葬儀
事載從彞傳四月庚辰幸昇國長公主第問疾己亥定還
三品官格復撲買河漵法辛丑諭御史臺諸訴事于臺當
以實上聞不得輒稱察知癸卯如萬寧宮命有司祈雨五
月甲辰朔日有食之戊申如泰和宮辛亥初薦新于太廟
壬戌諭有司曰金井捺鉢不過二三日留朕之所止一京
厦足矣若加修治徒費人力其藩籬不急之處用圍幕可
也甲子更泰和宮曰慶寧宮長樂川曰雲龍己巳勅御史臺

京師拜廟及巡幸所過州縣止令洒掃不得以黄土覆道
違者糾之六月辛卯諭尚書省諸路禾稼及雨多寡人州
郡以聞七月辛亥有司奏還宮日請用黃麾杖不許乙卯
朝獻于衍慶宮八月丙申鳳凰見于磁州武安縣鼓山石
聖臺丁酉還宮皇子生九月壬寅朔天壽節宋高麗遣
使來賀甲寅以拱衛直都指揮使完顏瑋等為賀宋生日
使且戒之曰兩國和好矣汝不宜爭細故傷大體癸亥以
皇子生親謝南北郊庚午封皇子為葛王冬十月戊寅報
謝于太廟及山陵甲申以鳳凰見詔中外丙戌獵近郊壬
辰遣尚輦局副使李仲元為高麗國生日使以宿直將軍

紇石烈毅爲夏國生日使瀛王府司馬獨吉溫爲橫賜使
十一月甲辰更定德運爲土獵用辰以西京留守宗浩爲
樞密使戊申以更定德運詔中外庚辰初命外官三品到
任進表稱謝甲子辛壬虛觀遣使報謝于太清宮十二月
癸酉以皇子晬日放僧道戒牒三千以武安軍節度使徒
單公弼等爲賀宋正日使戊寅冬獵庚辰報謝于高禩丁
酉還都閏月庚戌司空襄農癸丑初命監察御史非特旨
不許舉官辛酉遣使報謝于北嶽定人戶物力隨時推收
法丁卯遣使報謝于長白山冬無雪

三年春正月辛未朔宋高麗夏遣使來賀癸酉遣官祈雪

于北嶽丁丑朝獻于衍慶宮己卯以樞密使宗浩爲尚書
右丞相右丞完顏匡爲左丞參知政事僕散揆爲右丞御
史中丞孫師康刑部尚書曹鉉並爲參知政事庚辰如建
春宮二月癸丑還宮甲子定諸職官省親拜墓給假例三
月壬申朔平章政事張萬公致仕庚辰如萬寧宮丁亥定
從人銅牌賣毀罪賞制庚寅定職官應遷三品格刺史以
上及朝資歷在刺史以上身故者每半年一次敷奏甲午
如玉泉山丙申以殿前都點檢僕散端爲御史大夫四月
乙巳禘于太廟勅點檢司致仕官入宮年高艱于步履者
並聽策杖仍令舍人護衛扶之丁巳勅有司祈雨仍頒土

龍法巳未命吏部侍郎李炳國子司業蒙括仁本知登聞
檢院喬宇等再詳定儀禮庚申諭省司宮中所用物如民
間難得勿強市之癸亥尚書省奏遣官分路覆實御史所
察事五月壬午以重五拜天射柳上三發三中四品以上
官侍宴魚藻殿以天氣方暑命兵士甲者釋之丙戌以定
律令正土德鳳凰來皇嗣建大赦辛卯皇子葛王薨壬辰
定擅增減宮門鎖鑰罪丙申作太極宮六月巳亥太白晝
見壬寅詔選聰明方正之士為修起居注又詰點檢司諸
親軍所設教授及授業人若干其為教何法通大義者幾
人各具以聞戊申定職官追贈法惟賞犯贓罪者不在追

贈之列壬戌遣官行視中都田禾雨澤分數七月壬申朝
獻于衍慶宮乙亥定大臣薨百官奉慰禮庚辰獵于近郊
丁亥上諭宰臣凡奏事朕欲徐思或如已者若除授事可
俟三五日再奏餘並二十日奏之八月丙辰還宮庚申命
編修官左容充宮教賜銀幣九月丙寅朔天壽節宋高麗
夏遣使來賀壬申以刑部尚書承暉等為賀宋生日使戊
子以萬寧宮提舉司隸工部壬辰詔定十戶謀克受隨處
捕盜官公移盜急不即以衆應之者罪有差召右丞相宗
浩還朝冬十月戊戌日將暮赤如赭巳亥大風甲辰申酉
間天大赤夜將旦亦如之壬子右丞僕散揆至自北邊丙

等為止

辰召王香閣慰勞之以尚食局使師孝為高麗生日使庚申尚書左丞完顏匡等進世宗實錄上降座立受之壬戌以蘄州刺史完顏太平為夏國生日使奉御完顏阿魯帶以使宋還言宋權臣韓侂胄市馬厲兵將謀北侵上怒以為生事答之五十出為彰德府判官及淮平陷乃擢為安國軍節度副使丁卯諭尚書省士庶陳言皆從所司以聞自今可悉令罷關量與食直仍給官舍居之其言切直及繫利害重者三日內奏聞十一月辛未以簽樞密院事獨吉思忠等為賀宋正旦使丁丑冬獵以獲兔薦山陵甲午詔監察等公事可二年一出十二月庚子諭宰臣曰賀

正宋使且至可令監察隨之以為常壬寅還都己酉賜天長觀額為太極宮辛亥詔諸親王公主每歲寒食十月朔聽朝謁興裕二陵忌辰亦如之癸丑詔遣監察御史分按諸路所遣者女真人即以漢人朝臣借所遣者漢人即以女直朝臣借戊午勅行宮名曰光春其朝殿曰蘭皇寢殿曰輝寧

本朝第十一

四書傳

大學章句

中庸章句

孟子章句

論語章句

五經章句

